

«ЮТУҚЛИ ГАЗЕТА» АКЦИЯСИДА  
ИШТИРОК ЭТИНГ ВА АВТОМОБИЛЬ  
ЮТИБ ОЛИНГ!



24.

[@Xolisnazar](#)

[@Xolis\\_nazar](#)

[www.mahalladosh.uz](#)



№ 30

(2012)

2021 ийл 24 июль

# Mahalla



Мақзур сурат газета архивидан олинган.

ИШ ҲАЖМИ ТУРЛИЧА,  
ЛЕКИН МАОШ БИР ХИЛ. НЕГА?



«АЛҲАДАЯ»  
КАСАЛЛИКНИ  
ДАВОЛАМАЙДИ


10.

БИР КУНЛИК ИШ ҲАҚИ  
— БИР КИЛОГРАММ  
ГҮШТ НАРХИ



13.

ОЛТИ ОЙДА 954 ТА ЎЛИМ:  
ҚАЧОНГАЧА ҲОДИСАЛАР  
ҲАЛОКАТЛИ БЎЛАДИ? 16.



МАЖЛИСБОЗЛИК  
ҚОНИМИЗГА СИНГИБ  
КЕТГАНМИ?

18.



ҚИШЛОҚ ХЎЖАЛИГИДА  
ЭСКИЧА УСУЛЛАРДАН  
ВОЗ КЕЧА ОЛМАЯПМИЗ  
21.



ГЕОЛОГИЯ МУЗЕЙИ  
ИМИ-ЖИМИДА СОТИБ  
ЮБОРИЛЯПТИМИ? 23.

23.

2021 йил 23 июль куни  
Марказий сайлов комиссия-  
сининг навбатдаги йиғилиши  
бўлиб ўтди. Унда муҳим сиёсий  
жараён – Ўзбекистон Респуб-  
ликаси Президенти сайлови  
куни этиб 24 октябрь санаси  
белгиланди. Шунингдек, 23  
июль санасидан расман сайлов  
кампаниясига старт берилгани  
эълон қилинди.

Марказий сайлов  
комиссияси раиси  
Зайнiddин Низомхў-  
жаев Президент  
сайлови янгиланган  
миллий сайлов қо-  
нуничилиги, умумеъти-  
роф этилган халқаро  
стандартларга мос,  
демократик тамойил-  
лар асосида, очиқ ва  
ошкора ўтказилишини  
aloҳида қайд этди.  
Илк бор Сайлов ко-  
декси асосида ўтади-  
ган Президент сайлови-  
да давлат раҳбари  
**даврийлик принци-**

**пи асосида** сайловани-  
ши таъминланади.  
— Бугунги кун-  
да қарийб 21 мил-  
лион нафар фуқаро  
сайловчилар ягона  
электрон рўйхатига  
киритилган, — дейди  
**Зайнiddин Ни-  
зомхўжаев**. — Сай-  
ловда 14 та сайлов  
округи ва 10 минг 776  
та сайлов участкаси  
тузилиши режалашти-  
рилган. Шу вақтгача  
республика ва худу-  
дий тренерлар гуруҳи  
томонидан 33 минг

нафарга яқин сайлов  
комиссиялари раиси,  
раис ўринбосари ва  
котибликка номзод-  
ларнинг билим ва  
малакаси оширилди.  
Қолаверса, участка  
сайлов комиссиялари  
аъзоларини Сайлов  
жараёнини бошқариш  
ахборот тизими ва  
СЯЭР билан ишлаш-  
га ўргатиш бўйича  
маҳсус ўқув режа ва  
дастур ишлаб чиқил-  
ган. 33 минг нафарга  
яқин ахборот тизими  
операторлари босқич-

ма-босқич тайёрла-  
нади.

Қайд этиш керак-  
ки, мамлакатимизда  
сиёсий партиялар  
сони яна биттага кў-  
пайиб, партияларро  
рақобат сезиларли  
даражада кучайди.  
Шунга кўра, бу йил-  
ги сайловда бешта  
партия — «Адолат»  
**Социал-демократик  
партияси**, «Миллий  
тикланиш» демок-  
ратик партияси,  
**Либерал демократ-  
лар партияси** (Ўз-

ЛиДеп), Халқ де-  
мократик партияси  
ва Экологик партия  
ўз номзодларини ил-  
гари суриш ҳуқуқига  
эга бўлади. Мажлисда  
сайлов кампанияси  
даврида барча сиёсий  
партиялар ва улар  
кўрсатган номзодлар  
учун соғлом рақобат  
муҳити ва тенг шароит  
яратилиши алоҳида  
таъкидланди.

Марказий сайлов  
комиссияси раиси-  
нинг таъкидлашича,  
яқинда «Ижтимоий  
фикр» нодав-  
лат жамоатчилик  
фикрини ўрганиш  
маркази ўтказган  
сўровлар нати-  
жасида 2021 йил  
Президент сайлови  
йили хисоблани-  
ши ҳақида аҳоли  
хабардорлигининг  
барқарор юқори  
даражаси аниқлан-  
ди. Сўровда ишти-

рок эттганларнинг  
90 фоизга яқини  
«2021 йилда Ўз-  
бекистон Респуб-  
ликаси Президен-  
ти сайлови бўлиб  
ўтишини биласиз-  
ми?» деган савол-  
га ижобий жавоб  
берган, 86,6 фоиз  
фуқаролар эса  
сайловда иштирок  
этини билдирган.

**Эслатиб ўтиш**  
**жоиз**, аввалроқ  
сайловларни ўтказиши  
билан боғлиқ таш-  
килий ишларга **300**  
**млрд. сўм** маблағ  
ажратилгани хабар  
қилинган эди. Умум-  
партиявий тадбирлар  
ва номзодларнинг  
сайловолди ташви-  
коти ва тарғиботига  
жами **15 млрд. 486**  
**млн. сўм** ўйналтири-  
лади, бу — ҳар бир  
номзодга **3 млрд. 97**  
**млн. сўмдан** тўғри  
келади, дегани.



## НОМЗОДЛАР ОММА ОЛДИДА ДЕБАТ ЎТКАЗАДИМИ?



**Расул КУШЕРБАЕВ,**  
Олий Мажлис Қонунчилик  
палатаси депутати.



Бугун Ўзбе-  
кистон Респуб-  
ликаси Прези-  
денти сайлови  
кампаниясига  
старт берилиши  
ортидан «Ном-  
зодлар омма  
олдида дебат-  
лар ўтказиша-  
дими?», деган  
савол кўпчи-  
ликни қизиқ-  
тироқда.

**Мазкур масалага**  
сайлов қонунчилиги  
нуқтаи назаридан  
тўхталиб ўтсан.

- ✓ Сайлов кодек-  
сининг 44-моддасига  
кўра, **сайловолди**  
**ташвиқоти** — сайлов  
кампанияси даврида  
амалга оширила-  
диган ва сайловчи-  
ларни номзодни ёки  
сиёсий партияни  
ёқлаб овоз беришга  
ундашга қаратил-  
ган фаолиятdir, деб

белгиланган. Ҳали  
партиялар номзодлари-  
ни эълон қилишмаган  
экан, демакки, бугундан  
бошлаб сайловчиларни  
ўз партияларини ёқлаб  
овоз беришга ундаш  
билан шуғулланишлари  
мумкин. Кейинчалик  
номзод рўйхатга олин-  
са, номзодни ёқлаб ун-  
дашга ўтишлари мумкин  
бўлади.

- ✓ Кодекснинг  
45-моддасига кўра,  
**«ташвиқот омма ол-  
дида очиқ мунозара-  
лар, баҳслар, матбуот  
конференциялари,**

фуқароларнинг йиғи-  
лишлари, интервью-  
лар, оммавий ахборот  
воситаларида чи-  
кишлар, роликларни  
жойлаштириш шак-  
лида олиб борилиши  
мумкин».

Биз айтиётган дебат  
масаласи ҳам ушбу  
қисмда акс эттирил-  
ган бўлиб, дебат омма  
олдида очиқ мунозара  
олиб боришнинг бир  
шакли сифатида намоён  
бўлмоқда. Ташвиқот-  
нинг ушбу шаклидан  
**фойдаланиш ёки**  
**фойдаланмаслик**

номзод ёки пар-  
тияларнинг мутлақ  
ҳуқуқи.

Лекин дебатлар дунё  
сайлов тизимидағи энг  
демократик, замонавий  
сайловолди ташвиқоти  
эканлигини инобатга  
олсак, бу шакл ўзбе-  
кистонлик сайловчилар  
учун ҳам маъқул келган  
бўларди. Партиялар ва  
номзодлар буни ино-  
батга олишади, деган  
умиддамиз.

- ✓ Яна бир муҳим ма-  
сала шундаки, Сайлов  
кодексининг 44-мод-  
дасига асосан, **сайлов**

комиссиялари аъзо-  
ларининг сайловолди  
ташвиқотини олиб  
бориши тақиқланади.

Оддий айтганда,  
номзодлар дебатлар  
ўтказадими-йўқми, бу  
каби ишларга аралаши  
ёки шуғулланиш Марка-  
зий сайлов комиссияси  
вакилларига мумкинмас.  
Демак, бу саволни улар-  
га беришнинг ўзи ҳам  
унчалик тўғри бўлмайди.

**Номзодлар аниқ**  
**бўлгунга қадар бу**  
**саволга партиялар**  
**жавоб бергани маъ-  
кул.**

**МАЪЛУМОТ УЧУН:**  
Президент сайловини Ўзбекис-  
тон фуқаролари умумий, тенг ва  
тўғридан-тўғри сайлов ҳуқуқи  
асосида яширип овоз бериш ўюли  
билан амалга оширади. Ушбу ла-  
возимга 35 ёшдан кичик бўлмаган,  
давлат тилини яхши биладиган,  
бевосита сайловгача камидаги 10  
йил Ўзбекистон ҳудудида муҳим  
яшаётган Ўзбекистон фуқароси  
сайланиши мумкин.

Ўзбекистон Президенти беш

йил муддатга сайланади.

# ИШ ҲАЖМИ ТУРЛИЧА, ЛЕКИН МАОШ БИР ХИЛ. НЕГА?

Бугунги кунда юртимизда 9251 та фуқаролар йигини, шундан 41 та шаҳар фуқаролар йигини, 81 та қишлоқ фуқаролар йигини, 164 та овул фуқаролар йигини, 8965 та маҳалла фуқаролар йигини фаолият юритмоқда.

Уларнинг географик жойлашуви – ҳудуди-нинг катта-кичиликлиги, аҳолининг жойлашуви, кам ёки кўплиги турлича. Лекин мөхнатга ҳақ тўлаш бўйича разрядлар деярли бир хил: посёлкалар, қишлоқлар, овуллар ва шаҳарлар маҳалларининг фуқаролар йигинлари раислари 7, шаҳарлар ҳудудидан ташқарида жойлашган маҳаллалар фуқаролар йигинлари 6 разряд бўйича (Маҳалла ва оиласи қўллаб-куватлаш вазирлиги маълумотига кўра, 2 млн. сўмдан ортиқ) ойлик маош олишади.

Айнан ана шу ойлик маошлар бир хил белгиланганлиги аксарият фуқаролар йигинлари раисларида эътиroz уйғотмоқда.

Қабул қилинган хуж-

жатларга кўра, камида 500 та оила яшайдиган аҳоли ҳудудида фуқаролар йигини ташкил этилиши керак. Лекин камида 100 та оила яшайдиган бориш қийин бўлган ва тоғли туманларда ҳамда ҳарбий шаҳарчаларда ҳам ташкил этилиши мумкин.

**Булоқбоши туманидаги «Шарқ Юлдузи» маҳалла фуқаролар йигини раиси Ойшахон Ҳайдаров**нинг айтишича маҳалласида 1032 та оила бор. Учқудуқ туманидаги Мингбулоқ овул фуқаролар йигини раиси Назарбек Ережеповнинг таъкидлашича, ҳудудида 487 нафар аҳоли яшайди. Ана шу тумандаги **Боздун овул фуқаролар йигинида** эса бор-йўғи 186 нафар аҳоли, 44 та оила бор, холос.

Таҳририятимизга фуқаролар йигинлари раисларидан келаётган мурожаатлардаги бирдан-бир эътиroz ҳам айнан шунда, 500 та оила мавжуд фуқаролар йигини ходимлари учун ҳам, 1000 дан ошик оиласлари бор маҳалла фуқаролар йигини ходимлар учун ҳам бир хил ойлик

маош тўланмоқда. Ўз-ўзидан маълумки, кўп оиласи бор маҳаллада иш ҳажми ҳам, югр-югури ҳам кўп бўлади. Демак, бу масалани Маҳалла ва оиласи қўллаб-куватлаш вазирлиги мутасадилари қайта кўриб чиши лозим.

**Яна бир муаммо шундаки**, фуқаролар йигинлари жойлашуви турлича: баъзи ҳудудларда аҳоли тарқоқ – 20-30 километр масофада бўлса, баъзи ҳудудларда зич – 1-3 километрда жойлашган. Бу ҳам йигин ходимлари иш фаолиятига ўз таъсирини кўрсат-масдан қолмаяти. 1-3 километрни айланиб, ўрганиб чиқиш қайдо 20-30 километрни айланиб, аҳоли билан мулоқот қилиш қайдо?

– Маҳалламизнинг у четидан бу четигача 21 километр, – **дэйди Булоқбоши туманидаги «Шарқ Юлдузи» маҳалла фуқаролар йигини раиси Ойшахон Ҳайдарова**. – Бу эса иш фаолиятимизга ҳам таъсир қиляпти. Айниқса, ҳар бир оила билан мулоқот қилишда кўп вақт йўқотяпмиз. Баъзи оиласларга бир ой деганда кириб боряпмиз. Зич



жойлашган, айниқса, кўп қаватли уйлардан иборат маҳаллаларда эса бу муаммо эмас. Шу боис вазирлигимиз бу масалани ҳам ўрганиб чиқиша яхши бўларди. Таклифим, бундай йигинларга кўшимча, айниқса, хужжатлар билан ишлаш учун алоҳида котиблик штати ажратилиши керак.

Дарҳақиқат, республикамиздаги баъзи фуқаролар йигинлари аҳолиси жуда тарқоқ жойлашгани боис у четидан бу чети кўринмайди, ҳатто оиласлар ҳам бир-биридан анча олисада жойлашган. Бундай йигинлар туман марказларидан ҳам анча узоқ, Масалан, юқоридаги Мингбулоқ овул фуқаролар йигини туман марказидан 67 км. узоқликда жойлашган. Мутасадилар мана шундай йигинларга қандайдир автоулов бериш йўлини ҳам излаб кўриши лозим, ҳатто кредитга бўлса ҳам.

– Президентимиз ташаббуси билан маҳалла раисларининг иши 60 фоизга енгиллаштирилиб, бир қатор ваколатлар берилганидан миннатдормиз, – **дэйди Андижон тумани «Мингўрик» маҳалла фуқаролар йигини раиси Бахтиёржон Холматов**. – Лекин йигилишлар камаймаяпти. Эрталаб 6:00дан йигилиш, кечқурун 19-20 ларда яна йигилиш. Туман маркази яқин бўлса ҳам майли – 35 км. Олаётган 2 млн. сўм маошимиз эса ана шундай йигилишлару тадбирлардан ортмаяпти.

Билдирилаётган яна бир масала шундаки, фуқаролар йигинлари раисларининг ободонлаштириш, томорқа ва тадбиркорлик масалалари бўйича ўринбоса-

ри штати қишлоқ, чўл, тоғли ҳудудларда ҳам, шаҳар марказидаги маҳаллаларда ҳам жорий этилган. Бироқ чўл, тоғли ҳудудлардаги маҳаллаларда ободонлаштириш, томорқачилик ишлари кам бажарилади. Шаҳар марказларида, айниқса, кўп қаватли уйларда эса томорқачилик иши йўқ, ободонлаштириш ишлари ҳам кам.

Хўш, томорқаси бўлмаган маҳаллалардаги ушбу штатдаги ходимлар нима иш билан шуғулланишади.

**Маҳалла ва оиласи қўллаб-куватлаш вазирлиги масъул ходими Собир Исмоиловнинг таъкидлашича**, улар ободонлаштириш ва тадбиркорлик билан шуғулланишади.

**Газетамизнинг ҳар бир сонида** фуқаролар йигинлари фаолиятига оид ҳамда йигин ходимларини қийнаётган кўплаб муаммоли масалалар, хусусан, масъул котиб ва маҳалла посбони штатини жорий этиш, ойлик маошларини ошириш, солиқ йиғимлар ва турли мажлисларга жалб этиш, автомобиль бериш бўйича туркum маколалар эълон қилинмоқда.

**Минг афсуски**, фуқаролар йигинлари ходимларининг бундай муаммоларини ҳал этиш борасида Маҳалла ва оиласи қўллаб-куватлаш вазирлиги ҳамда мутасадди ташкилотлар томонидан етарлича чоралар кўрилмаяпти. Ўйлаймизки, юқоридаги каби фуқаролар йигинлари фаолиятига оид муаммоли масалаларни ўрганиб, ташкилий масалалар қайта кўриб чиқилади.

Р.ЮСУПОВ.



## РАИС СЎЗ СЎРАЙДИ

### «МАҲАЛЛАМИЗ 2023 ЙИЛДА ДАСТУРГА КИРИТИЛАРКАН...»

Маҳаллага 3 йилдан бери раислик қила-ман. Менгача йигинимизнинг ўз биноси ҳам бўлмаганди. 2018 йилда ўз ҳисобимдан маҳалла фуқаролар йигини учун бир хона курдим. Кейин бу ишга маҳалла аҳолиси ҳам қўшилди. Ҳозирда маҳалламиз биноси янгидан барпо этилмоқда.

Бу ерда ходимларимиз ишлашлари учун барча шароитлар яратилган. Ҳокимият томонидан 2 дона компьютер жамланмаси тақдим этилди. Эҳтиёжимиздан келиб чиқиб, ўз ҳисобимдан рангли принтер сотиб олдим. Ахир, ўзимиз ҳам иш шароитимизни яхшилашимиз керакку! Фақат давлатдан бер-бер, деявермасдан, имкон борида шароит яратяпмиз.

Маҳалладаги ижтимоий муаммолар ҳам аста ечиляпти. Аммо бир неча йилдан бери кўчаларимиз ёзда чанг, қишида лой бў-

либ ётади. Асфальтлаш ишларини бошлаш учун бир неча бор мутасаддиларга мурожаат қилдим. Айтишларича, маҳалламиз 2023 йилда дастурга киритиларкан.

Ичимлик сув масаласида муаммо йўқ. Фақат оқова сувдан бироз қийналамиш. Одамлар ички имкониятдан келиб чиқиб, томорқа учун ер остидан сув чиқариб олишган.

Аҳолининг моддий аҳволи яхши. Деярли кам таъминланган фуқаролар йўқ. Мисол учун, «Аёллар дафта-

ри»га киритилган 34 нафар хотин-қизнинг барчаси ишли бўлди. Ёки «Ёшлар дафта-ри»даги 35 нафар фуқарога ҳам моддий ва маънавий ёрдам кўрсатилди. Ишсизлар иш билан таъминланди. Тадбиркорлик йўналишида имтиёзли кредитлар олиб берилди.

Маҳалламиз аҳолисининг асосий даромад манбаи дехкончилик ва чорвачилик ихтисослашган.

**Аҳмад РЕЖАББОЕВ,**  
**Шовот туманидаги «Кангли» маҳалласи раиси.**

# COVID-19. ЎЗБЕКИСТОН ТАЖРИБАСИ ВА МУАММОЛАР ТАХЛИЛИ НИМАНИ КЎРСАТАДИ?



**Алишер ШОДМОНОВ,  
Тошкент тиббиёт  
академияси ректори,  
профессор.**

**2021 йил 23 июль**  
ҳолатига кўра, дунёнинг  
191 та давлатида ко-  
ронавирусга чалинган-  
лар сони 193 миллион  
нафардан зиёдни таш-  
кил этди, улардан 176  
миллион нафарга яқини  
согайган, 4,1 миллион  
нафардан ортиғи вафот  
этган, 82 минг нафардан  
зиёд бемор оғир аҳволда  
қолмоқда. Охирги сутка  
ичида қўшимча 88 минг  
444 та янги касаллик ҳо-  
лати қайд этилиб, 1 минг  
575 нафар бемор ушбу  
касалликдан вафот этди.

**2021 йилнинг 22**  
июль ҳолатига кўра,  
республикамизда жами  
касалланганлар сони  
122 минг 786 нафарни,  
согайганлар 117 минг  
303 нафарни, вафот  
этганлар эса 819 нафар  
кишини ташкил этмоқда.

Ушбу рақамларни бошқа  
мамлакатларни билан  
солиштирганда, инфекция-  
ни юқтирганлар сони ва  
ўлим даражаси анча паст-  
лигини Президент раҳбар-  
лигига қабул қилинган  
тезкор ва самарали қарор-  
лар, шунингдек, инфекция  
тарқалишининг олдини  
олиш ҳамда назорат қилиш  
бўйича олиб борилган кенг  
кўламли чора-тадбирлар  
натижаси эканидан далолат  
беради.

## Ниқоб тақиши нега уннутдик?

Аммо ҳозирги кунда  
аҳолининг маълум контин-  
генти ўртасида карантин  
талабларига эътиборсизлик  
кузатилмоқда, яъни тиббий  
ниқобсиз юриш ёки ниқоб-  
ни тўғри тақмаслик ҳо-  
латлари, тўй-ҳашамларда,



турли тадбирларда ишти-  
роқчилар сонининг кўпли-  
ги, зарурат бўлмагандага ҳам  
жамоа бўлиб йиғилиш, на-  
тижада ижтимоий масофага-  
риоя этмаслик ҳолатлари  
ва бошқалар.

Вижданан гапирадиган  
бўлсак, ҳеч биримиз ка-  
рантин қоидаларига қатъий  
амал қилмаяпмиз. Мисол  
учун, оддий тиббий ниқоб  
тақиши қоидаларига риоя  
қилишни олсан. **Ким шу  
қоидани тўғри бажаряп-  
ти?** Ҳар 2 соатда ниқобни  
алмаштириб турибизми?  
Бир марта ишлатилиши  
лозим бўлган ниқоблар-  
ни «кўп марталик» қилиб  
тақмаяпмизми? Чўнтаги-  
мизда олиб юриб, эл кўзи

учун ниқобни тақмаяпмиз-  
ми? Ёки ижтимоий масо-  
фани сақлаш масаласи.  
Тўй-ҳашамларни қандай  
үтказяпмиз? Мехмондорчи-  
ликларимиз кўпайиб кетма-  
дими? **Аччиқ тажрибамиз  
шунчалик тез эсдан чиқ-  
дими?** Буларнинг барчаси  
аҳоли ўртасида касал-  
ликнинг яна тарқалишига  
сабаб бўлмоқда. Соғлиқни  
сақлаш вазирлиги сўнгги  
бир кунда Ўзбекистонда  
коронавирус аниқланган-  
лар фуқаролар сони 738  
нафарга, пневмония қайд  
этилганлар сони эса 500  
нафарга яқинлиги ҳақида  
хабар берди. Пандемия бо-  
шидан бери бу ўрнатилган  
антирекордимизга ўзимиз

сабабчи эмасмизми?

Аҳоли ўртасида касаллик-  
ни камайтириш учун ман-  
бани эрта аниқлаш, яъни  
юқори нафас йўлларининг  
яллиғланиш аломатлари  
(иситма, йўтал, грипп) бўл-  
ганларни эрта касалхонага  
ётқизиш, эҳтиёт чорала-  
рини кўриш (тиббий ниқоб  
тақиши, нафас олиш ва кўл  
гигиенаси, шахсий химоя  
воситаларидан фойдала-  
ниш), ижтимоий масофани  
сақлаш ва соғлом турмуш  
тарзига риоя қилиш бўйича  
тадбирларни талаб даражаси-  
да бажариш лозим.

Бу хавф бутун дунёда  
бутунлай бартараф этил-  
мас экан, хотиржамликка  
берилишга асло ҳаққимиз  
йўқ. Барчамиз зийраклик  
ва эҳтиёткорлик билан  
оддий карантин қоидала-  
рига, яъни **тиббий ниқоб  
тақиши, ижтимоий масо-  
фани сақлаш, шахсий  
гигиена қоидаларига** тў-  
лиқ амал қилишимиз лозим.  
Қатъий интизом, мустаҳкам  
ирода, юксак маънавий  
жасорат, мардонавор бир-  
дамлик билан ХАЛҚИМИЗ  
коронавирус балосини,  
албатта, енгигб ўтади.

## РАИС СЎЗ СЎРАЙДИ

### «МАҲАЛЛАЛАР МАЪЛУМ БИР СОҲАЛАРГА ИХТИСОСЛАШТИРИЛСА...»

**Маҳалламида**  
**2978 нафар аҳоли**  
**истиқомат қилади.**  
**Ишсизлик муам-**  
**моси бизда ҳам**  
**бор.** Аслида иш йўқ  
эмас, лекин меҳнат  
ҳақи кам. **Масалан,**  
қишлоқ ҳўжалиги  
бўйича кластерлар  
фаолият кўрсатяп-  
ти.

**Албатта,** уларга ишчи  
керак. Лекин 300-400  
минг сўм эвазига ким  
офтоб тифида бир ой  
меҳнат қилгиси келади.

Маҳалла фаоллари бу  
борада аҳолига кўмак  
беришга ҳаракат қил-  
моқда. «Темир даф-  
тар», «Аёллар дафта-  
ри», «Ёшлар дафтари»  
бўйича фаол иш олиб  
бордик. Ҳусусан, 217  
нафар ёшга тақорорий  
экин экиш учун 25 со-  
тихдан ер ажратилиши-  
да бош-қош бўлдик. Бу  
йил экинлар учун сув  
етарли. Худо хоҳласа,  
яхши ҳосил олишади.

**Бундан ташқари,**  
кредит асосида 6 кишига  
кичик тракторлар сотиб  
олишига кўмаклашдик.  
Бу техника ҳамма юмуш-  
ни бажаришга қулад  
экан. Шунингдек, ҳуду-  
димизда 2 та хонадон

лимончилик билан шу-  
ғулланади. Улар билан  
бу борадаги тажриба-  
ларини бошқа ҳамқиши-  
локларига ҳам ўргатиши  
масаласида маслаҳат-  
лашдик. Бажонидил рози  
бўлишиди.

**Шу ўринда бир та-**  
**лифим бор.** Яъни аҳоли  
қизиқиш ва имкониятла-  
рини ҳисобга олган ҳол-  
да маҳаллалар маълум  
бир соҳаларга ихти-  
сослаштирилса ва уни  
ривожлантириш бўйича  
ёрдам берилса, бандлик  
масаласида ижобий ўзга-  
ришлар юзага келарди.  
Мисол учун, бизнинг ма-  
ҳалламиизда чорвачилик  
учун имкониятлар бор.

**Шокир ВАФОЕВ,**  
**Олот туманидаги**  
**«Пичоқчи» маҳалла**  
**фуқаролар йиғини**  
**раиси.**

## МЕНДА САВОЛ БОР...

### МАЪЛУМОТНОМА ОЛИШ ТАРТИБИ ҚАНДАЙ?

— Судланмаганлик (ёки судланганлик)  
тўғрисида маълумотнома олиш тартиби  
қандай?

**Озод ЖУМАНИЁЗОВ.**  
**Хоразм вилояти.**

**Севара ЎРИНБОЕВА,**  
**Адлия вазирлиги**  
**ахборот хизмати раҳ-  
бари:**

— Ариза берувчи бун-  
дай маълумотни олиш  
учун, аввало, Давлат  
хизматлари марказла-  
рига мурожаат этади  
ёки хизматдан электрон  
шаклда фойдаланиш  
учун ЯИДХПда рўйхатдан  
ўтади ҳамда сўровнома  
тўлдирилади. Сўровнома  
тўлдирилгач, ариза бе-  
рувчи маълумотлар тўғри-  
лигини текшириб, уни ўз  
электрон рақами имзоси  
 билан тасдиқлайди ва ва-  
колатли органга электрон  
тарзда юборади.

Ваколатли орган сў-  
ровнома келиб тушган

кундан бошлаб 2 иш куни  
мобайнида QR-код кў-  
йилган маълумотномани  
расмийлаштиради ҳамда  
уни тегишли Давлат хиз-  
матлари марказига ёки  
аризачига ЯИДХП орқали  
электрон равишда юбо-  
ради. Хизматни кўрсатиш  
муддати — 2 иш куни.  
Маълумотномада нотўғри  
маълумотлар мавжудлиги  
аниқланган тақдирда, 15  
кун ичидаги ариза берувчи  
йиғим тўламасдан қайта  
мурожаат қилиш хуқуқига  
эга.

Хизмат нархи БХМнинг  
3 фоизи миқдорида — 7  
350 сўм, Ягона портал ор-  
қали топширилганда эса  
— 6 615 сўм тўлов амалга  
оширилади.

Дунёнинг ривожланган мамлакатлари иқтисодиётида мулларниң ҳуқуқи ва турдеш ҳуқуқлар катта даромад келтирувчи соҳага айланаб улгурган. Масалан, Жаҳон интеллектуал мулк ташкилоти маълумотларига кўра, машҳур кино қаҳрамонлари ва ўқув-илмий нашрлардан фойдаланиш ҳуқуқига лицензия бериш натижасида тегишли давлатлар миллиардлаб доллар даромад кўрмоқда.

Шу боис, ривожланган мамлакатларнинг деярли барчасида интеллектуал мулк ривожига катта эътибор қаратилгани ҳолда, уларнинг инвестициявий жозибадорлиги яхшиланган, унинг ички ялпи маҳсулотдаги улуши кескин ортиб бормоқда.

**Мисол учун,** интеллектуал мулк Европада ялпи ички маҳсулотнинг 45 фойизини, Хитойда 12, Россияда эса 7 фойизни ташкил этади. Халқаро тажрибалар таҳлилидан кўринадики, бугунги тараққий этган аксарият давлатлар иқтисодиёти юқори ўсишининг асосий омилларидан бири айнан интеллектуал мулк ва унинг мустаҳкам ҳуқуқий ҳимояси таъминланганидир.

Мамлакатимизда изчил иқтисодий фаолликнинг ошиб бориши билан интеллектуал мулкнинг ишончли ҳуқуқий ҳимоясини таъминлаш борасида ҳам аниқ чора-тадбирлар

кўриляпти. Жумладан, интеллектуал мулк соҳасидаги ҳуқуқбузарликларга барҳам бериш, давлат хизматлари кўрсатиш тизимида самарадорликни таъминлаш, идоралараро ишончли ва тезкор ҳамкорликни йўлга қўйиш бўйича ишлар соҳа ривожига хизмат қилмоқда.

**Бирор** буғунги кунда қонунчилиқда интеллектуал мулк объексларидан ноқонуний фойдаланганлик, номулкий ҳуқуқларга даҳл қилганлик учун жавобгарликнинг қатъийлаштирилмагани, маъмурӣ ва жинои қонунчилиқда умумий ўйғунликнинг йўклиги, белгиланган маъмурӣ жазони, айнан жаримани юридик шахснинг раҳбари мансабдор шахс сифатида тўлаб, бу каби ҳуқуқбузарликларни такрор давом эттираётганлик ҳолатлари учрамоқда.

**Натижада** интеллектуал мулк объексларини муҳофаза қилиш ва уларни ҳуқуқий ҳимоя-

лаш бўйича ҳуқуқ эгаларидан асосли мурожаатлар билдириляпти.

**Биргина** 2020 йил давомида судларда интеллектуал мулк объексларига оид 241 та иш кўрилган бўлса, уларнинг 90 фойизи айнан товар белгиларига тааллукли экани қайд этилди. Шу йили Адлия вазирлигининг Апелляция кенгаши томонидан интеллектуал мулкка оид 34 та иш кўрилди. Соҳадаги ислоҳотлар, ўз навбатида, мавжуд қонунчилиқни жаҳон тажрибаси ва халқаро ҳуқуқ нормаларига мувофиқлаштириш, айниқса, иқтисодиётни инновациялаштириш интеллектуал мулк муҳофазасини мустаҳкамлашни тақозо этади.

Давлатимиз раҳбарининг жорий йил 28 январдаги тегишли қарорига мувофиқ, ишлаб чиқилган «Ўзбекистон Республикасининг айрим қонун ҳужжатларига ўзгариш ва қўшимчалар киритиш тўғрисида»ги қонун лойиҳасида эса ана шу жиҳатларга алоҳида эътибор қаратилмоқда. Унда, шунингдек, интеллектуал мулк объексларига оид қонун бузилиши ҳолатларини содир этганлик учун юридик шахсларга нисбатан қўлланиладиган молиявий санкциялар ва уларнинг қўлланиш механизмни, товар белгиси ва хизмат кўрсатиш белгисининг фақат тадбиркорлик фаолиятини амалга ошираётган юридик ёки жисмоний шахс номига рўйхатдан ўтказилишига нисбатан қонунчилиқда мавжуд чекловларнинг **бекор бўлиши** ўз ифодасини топган.

**Муҳим жиҳатлардан яна бири шуки,** товар белгисини давлат рўйхатидан ўтказиш жараёни муайян муддатни (8 ой) талаб қилишини



инобатга оладиган бўлсақ, тадбиркорлик субъектини давлат рўйхатидан ўтказмасдан ёки тадбиркорлик фаолиятини амалда бошламасдан олдин товар белгиси(хизмат кўрсатиш белгиси)ни рўйхатга олиш юзасидан талабнома топшириш мақсаддага мувофиқ бўлади. Бу эса келгусида ўзганинг товар белгиси(хизмат кўрсатиш белгиси)ни ноқонуниш ишлатиш каби низоларнинг олдини олишга хизмат қиласи.

Қонун лойиҳасига интеллектуал мулк соҳасидаги айрим ҳуқуқ бузилиши ҳолатлари, хусусан, ихтиро, фойдали модел ва саноат намунасига бўлган ҳуқуқларни бузиш ҳамда ўзганинг товар белгиси, хизмат кўрсатиш белгиси, товар келиб чиқсан жой номи ёки фирма номидан қонунга хилоф равиша фойдаланганлик учун тегишли юридик шахсга нисбатан базавий ҳисоблаш миқдорининг **100 баробаридан 200 баробарига-ча** миқдорда молиявий санкция (жарима) қўлланиши тўғрисидаги норма киритилмоқда.

**Ўзганинг «номи»дан фойдаланиш қонунга хилоф!**

Хозирги вақтда мамлакатимизда фирма номларига бўлган ҳуқуқларнинг бузилиши билан боғлиқ низолар сони борган сари

агентлиги томонидан ишлаб чиқилган каталогдаги 300 дан ортик маҳсулотни рухсат берилмаган тарзда тайёрлаш, қўллаш, олиб кириш, савдоға таклиф этиш, сотиш, ўзгача тарзда фуқаролик мумаласига киритиш ёки уларни шу мақсадда сақлаш ёхуд улар билан адаштириб юборадиган даражада айнан ўхшаш бўлган бир хилдаги товарларни, яъни товар белгисига оид мутлақ ҳуқуқнинг бузилаётганини кўришимиз мумкин.

Юридик шахслар томонидан ўзганинг мулки бўлган интеллектуал мулк объексларидан ҳуқуқ эгасидан рухсат олмаган холда фойдаланилиши ушбу ташкилотларнинг фаолиятига бевосита тегишилди. Айнан мазкур фаолият катта даромад кўришга қаратилган. Шундан келиб чиқиб, қўлланиладиган ҳуқуқий таъсир чоралари ҳам мутаносиб равиша бўлиши мақсадга мувофиқ.

**Шу нуқтаи назардан,** мазкур қонун лойиҳасининг қабул қилиниши юридик шахсларнинг корпоратив жавобгарлиги бўйича нормаларнинг киритилиши ҳамда интеллектуал мулк соҳаси ўсишига катта йўл очади. Интеллектуал мулк объексларига эга бўлиш ривожланиш йўлига қадам кўйган миллий компаниялар учун ўзига хос нуфузни ва эътирофни англатади. Бу борадаги қонунчилиқни қатъийлаштириш мамлакатга ўз товар белгиси ёки саноат намунаси билан кириш истагида бўлган чет эллик инвесторлар учун яхши маънода «қўнғироқ» бўлади.

**Ботир МАРДАЕВ,**  
**Олий Мажлис**  
**Қонунчилик**  
**палатаси депутати.**

# ИНТЕЛЛЕКТУАЛ МУЛК ДУНЁДА КАТТА ДАРОМАД КЕЛТИРУВЧИ СОҲА, БИЗДА ЭСА...

## БИЛАСИЗМИ



Жисмоний шахслар қўйидаги миқдорлардаги товарларни божхона тўловларини тўламасдан Ўзбекистонга олиб кириши мумкин:  
— Ўзбекистоннинг халқаро аэропортлари божхона чегаралари орқали олиб ўтишда – **2 000 АҚШ доллари**;

— Ўзбекистон Давлат чегараларининг темир йўл ва дарё божхона чегаралари ўтиш пунктлари орқали олиб ўтишда – **1 000 АҚШ доллари**;

— Ўзбекистон Давлат чегараларининг автойўл (пиёда) божхона чегаралари ўтиш пунктлари орқали олиб ўтишда – **300 АҚШ доллари**;

— халқаро куръерлик жўнатмалари орқали жисмоний шахслар номига келаётган товарлар учун – бир календарь чорак мобайнида **1 000 АҚШ доллари**;

— халқаро почта жўнатмалари орқали жисмоний шахслар номига келаётган товарлар учун – **100 АҚШ доллари**.

# ҚОНУНЛАР ИЖРО ЭТИЛСА КУЧЛИ. ЙЎҚСА...

**«Тошкент шаҳар сув таъминоти» МЧЖ берган хабарга кўра, Тошкент вилояти Қибрай тумани «Янги Ўзбекистон» боғида Д-1400 мм. Л-475 м., Тошкент шаҳар Сергели тумани Хонобод кўчасида Д-1000 мм. Л-370 м. ва Қипчоқ кўчасида Д-600 мм. Л-200 м. ичимлик сув қувурларини кўчириш жараёни сабаб 23 июль соат 09:00дан 24 июль 21:00 гача Тошкент вилоятининг Қибрай ва Зангиота туманлари ҳамда пойтахтнинг Яшнобод, Бектемир, Миробод, Сергели, Янги ҳаёт туманларидағи ўнлаб маҳаллаларда, оиласий шифохоналарда сув таъминотида узилишлар кузатилмоқда.**

**Айни чиллада,** жарима иссикда сув таъминотидаги бундай узилишлар янгилик бўлмай қолди. Аксига олиб, 23 июлдан юртимизда ҳаво ҳарорати 40 даражадан бошланниб, якшанба кунлари 46 даражагача кўтарилади. Бундан олдин ҳам 3 суткалаш шундай узилишлар бўлганди. Ачинарлиси, ўшанда ҳам бирор мутасадди ташкилот аҳолини ичимлик сув билан таъминлагани йўқ, аксинча, сув сотувчи савдо дўйонларининг омади чопганди.

**Кузатишлари-миздан маълум бўляптики,** ичимлик сув таъминотида ҳам талай муаммолар мавжуд. Аввало, кўп қаватли уйларга етказиб берилаётган ичимлик сув сифати қониқарсиз. Қувурлар ҳам эскириб, яроқсиз ҳолга келган. Бундай қувурлар эса сув таркибига турли зарарли мод-

далар чиқариши билан хавфлидир. Хуллас, сув таъминоти корхоналарининг масъулияти йўқ. Истеъмолчилар эса ўз вақтида белгилangan суммани тўлашга мажбур.

**Дарҳақиқат,** ичимлик сув таъминоти ва оқова сув чиқариш энг муҳим соҳалардан бири бўлса-да, лекин ушбу масалалар бугунги кунга қадар қонун даражасида тартибга солинмаган. Амалдаги қонунчиликда ичимлик суви ва оқова сув хизматлари истеъмолчиларининг мажбуриятлари аниқ белгилangan бўлиб, **сув таъминоти**



## ташкилотларининг мажбуриятлари эса мустаҳкамланмаган.

Сув таъминоти ташкилотлари фаолиятида интизомнинг сустлиги оқибатида қувурларда носозликлар вужудга келмоқда ва истеъмолчилар томонидан уларга ноқонуний уланиш ҳолатлари кузатилмоқда.

**Шу боис** ҳалқ ноиблари «Ичимлик сув таъминоти ва оқова сув чиқариш тўғрисида»ги Ўзбекистон Республикаси қонуни лойиҳасини кўриб чиқиб, сув таъминоти ташкилотлари фаолиятида интизомни кучайтириш орқали носоз-

## МАЪЛУМОТ УЧУН:

Бугунги кунда аҳолининг 65 фоизи марказлашган ичимлик сув ва 17 фоизи оқова сув хизматлари билан таъминланган бўлиб, 17 та сув таъминоти ташкилоти томонидан 9 408 та сув таъминоти, 58 та канализация иншооти, 72 минг км. ичимлик суви ҳамда 8,6 минг км. оқова сув тармоқлари орқали хизматлар кўрсатилиб келинмоқда.

**риятлари ва ҳуқуқларини белгиламоқда.**

**Мазкур ҳужжат билан** ичимлик суви ва оқова сув қувурларининг истеъмолчи худудига туташган қисмигача ичимлик суви таъминоти ташкилоти масъул ҳисобланиши назарда тутилмоқда. Истеъмолчиларга асосиз ҳисобланган тўловларнинг 50 фоизига тенг микдорда ичимлик суви таъминоти ташкилотидан компенсация (пеня) талаб қилиш ҳуқуқи берилмоқда.

Таклиф этилаётган қонун лойиҳасининг қабул қилиниши натижасида соҳани барқарор ривожлантириш ва хизматлар сифатини оширишга мўлжалланган таъсирчан ҳуқуқий база яратилиши, сув таъминоти ташкилотлари фаолиятида интизомни кучайтириш орқали носоз-

ликлар оқибатида ичимлик сув истроф қилинишининг олди олинади.

**Шуни ҳам унумаслик керакки,** аксарият қонунларимиз фақат давлат фойдасига ишлайди, холос. Масалан, кўп қаватли уйингиздаги иссиқ сув жўмрагини очганингизда белгиланган меъёрда иссиқлик келмаса, тўловнинг маълум қисмини тўлашга ҳақлисиз. Лекин амалиётда бунинг имкони жуда кам.

**Назаримизда,** юқоридаги каби қонунлар билан бирга, уларнинг ижро этилиши билан боғлиқ тизим ишлаши шарт. Шундагина, одамларда қонунларга бўлган ҳурмат, ишонч ортади. Йўқса, барчasi қоғозда қолиб кетавради, эътиrozлар эса ошиб бораверади.

**Мақсадбек Қўчқоров.**

## МАҲАЛЛА ҲАЁТИДАН

### «ЭНГ КАТТА МУАММОМИЗ ГАЗ ВА ЭЛЕКТР ЭНЕРГИЯ ТАЪМИНОТИ»

**Маҳалламиз шаҳарлашгани учун, асосан, аҳолимизнинг аксарияти савдо-сотиқ ишлари билан шуғуллашидади. Шу боис тадбиркорликнинг бошқа йўналиши ривожланмаган.**

21 та ички кўчаларимиз шағаллаширилди. Лекин асосий муаммониз – трансформатор ва 97 та темир-бетон устунлар ўрнатиш масаласи ҳамон ўз ечимини топмаяпти. 70 фоиз аҳоли табиий газ билан билан таъминланган бўлса-да, қишида газ етиб келиши қийин бўляпти. Бундан кўп қаватли уйларда яшовчи аҳоли жуда азият чекишиди. Ўтган иили улар кўмир ёқиб қишидан чиқишиди. Маҳалламизнинг 60 фоиз аҳолиси ичимлик сув билан таъминлан-

ган, холос. Ушбу муаммони бартараф этиш учун катта сув қувури тортилмоқда. Агар мазкур лойиҳа охирига етса, аҳолимизнинг 90-95 фоизи ичимлик сув билан таъминланган бўларди.

Яна бир муаммониз, узоқ йиллардан бўён бир тадбиркор биносида ижарада фаолият юритиб келяпмиз. Янги маҳалла идораси қуриш учун 2 сотих ер ажратилган. Уни қуриш учун тадбиркор ҳам топил-

ди. Фақат тадбиркорга қўшимча ер ажратиб берилса, тез орада маҳалла идорамиз қурилиши ҳам бошланади.

Юқорида айтганимдек, бирдан-бир муаммониз газ ва электр энергиядир. Шу масала тез орада ўз ечимини топса, аҳолимиз миннатдор бўларди.

**Бўрибой ҚОРАБОЕВ,  
Жалақудук тумани  
«Гулистон» маҳалла  
фуқаролар йиғини  
раиси.**



## БИЛАСИЗМИ?

Автомобиль тўхташ жойлари худудларида қўйидагилар тақиқланади:



- автомототранспортни таъмирлаш, ювиш, унга ёнилғи-мойлаш материаллари қўйиш, бунинг учун маҳсус ажратилган жойдан ташқари;
- двигатель ва агрегатлар учун очиқ ҳолдаги оловдан фойдаланиш;
- автомототранспортни соатига 5 км дан ортиқ тезликда бошқариш;
- тамаки чекиш, спиртли ичимликлар ичиш;
- ёнилғи-мойлаш материалларини сақлаш учун жойлар барпо этиш.

# ТЕСТ БОЗОРИДАГИ СОТУВЧИЛАР АСЛИДА КИМ?

Олий таълим даргоҳига кириш истагидаги баъзи бир абитуриентлар борки, тест асосидаги кириш имтиҳонларидан «силлиқина» ўтишини хоҳлайди. Чунки ўз вақтида дарсни муқаммал ўзлаштиргани боис уларга тест таркибидаги саволлар жуда қийин бўлиб кўринади.



Натижада осон ўйлни излаган бўлажак талаба ўзини ўқишига киритишда уддабурон ҳисоблайдиган фиригарнинг тўрига илинади.

«Бир балоси бўлмаса шудгорда қўйруқ на қилур» мақолини билмаганлар эса «шу вариантлар имтиҳонда тушади» деган ёлғон ваъдага алданиб юраверади. Аввалроқ тарқалган «Миллий сертификат атрофидаги миллий ўйинлар» сарлавҳаси

остидаги хабарлар ва унинг атрофидаги муносабатларни ўқир эканман, «тест ўйинлари»да кўпроқ кимнинг айби борлингина тушунмай ҳам қолдим.

Чунки ўқувчиларга Миллий сертификат имтиҳонларининг тест саволларини сотиб, ўша ерда уларни ёдлатишига ҳаракат қилган репетиторлар айборд, десак, улар тест вариантларини қаердан олади унда, деган савол ўз-ўзи-

дан келиб чиқади. Агар вазият ростдан ҳам ДТМ томонидан берилган расмий баёнотдагидек бўлсанчи? Яъни айрим ўқув марказлари томонидан «бу саволлар тушади» баҳонасида тайёрланган саволлар жамланмаси шахсларга сотилган бўлиб, бугунги кунда мазкур ҳолатлар бўйича тегишли ҳуқуқни муҳофаза қилиш органлари ва давлат тест маркази ҳамкорлигига текшириш ишлари олиб борилаётган бўлсанчи? Унда беш юз, минг АҚШ долларига баҳоланаётган тестларнинг сотувчилирига бунчалик ишонч қаердан келди экан?

Айни вақтда тала-баликни орзу қилиб, ширин ташвишлар билан юрган абитуриентлар тест савол-

ларининг «Х варианти» тарқаб кетгани билан боғлиқ вазиятда бевосита иштирокчи бўлиб қолаётгани ачинарли ҳол аслида. Чунки бу ёшларда ҳаққоний тест тизимиға бўлган ишонч бор эди. Агар яхши билим олиб, тинимиз тайёрланса, тестдан юқори балл олишига умид қилиб турган айни паллада илмни ҳам пулга сотиб олиш мумкин, деган хуло-сага келмайдими?

Тизимга масъуллар шу каби саволларга жавоб ҳақида ўйлашса, яхшироқ бўларди. Чунки бундай ҳолатлар келажакда ёшлар билан бир қаторда давлат равнақига, унинг имиджига ҳам салбий таъсир қилиши тайин. Зоро, шаффоғлиқ ва ҳақиқатга асосланган миллий тест тизимига эришмас

эканмиз, олий таълим даргоҳларига билими кучлилар эмас, пули кўплар киради, деган нотўғри тушунча ёшларимизнинг онгидаги сақланиб қолаверади. Ойдинлашган бу каби вазиятларнинг кундалик ҳаётимизда яна такрорланмаслиги учун эса ДТМ бу вазиятдан тегишли хуло-са чиқариши зарур.

Ёки ахборот асри ҳисобланган бугунги кунда миллий тест тизими электрон назоратга олинсин ва ҳимоя қилинсин. Шундагина истаган одам ДТМ базасидан тест вариантларини олиб чиқиб кета олмайди. Натижада ДТМга бўлган ишонч ҳам ортган бўлдармиди? Буни энди вақт кўрсатади.

**Махфират  
ХУДОЙБЕРДИЕВА.**

## РАИС СЎЗ СЎРАЙДИ

### «КУЗАТУВ КЕНГАШИ АЪЗОЛАРИ ФАОЛ БЎЛИШЛАРИ КЕРАК»

Маҳалла тизими йилдан-йилга такомиллашиб бормоқда. Бугунги кунда ушбу тузилмага катта ваколатлар берилган. Ҳар қандай муаммо маҳалланинг ўзида ҳал бўлиши керак. Чунки ҳар бир ва-зифамиз халқнинг манфаатига қаратилган.

Бугунги кунда ушбу тамойил асосида фаолият кўрсатяпмиз. Уй-ма-уй юриб, аҳоли муаммолари ўрганилмоқда. Ишлизларнинг бандлигиги таъминлашга, муҳтоҷларга ёрдам кўрсатишига ҳаракат қилияпмиз. Тадбиркорлик фаолиятини йўлга қўймоқчи бўлган маҳалладошларимизга имтиёзли кредит олишларига кўмаклашилаёттири.

Чет давлатларга ишлаш учун кетган фуқароларнинг ҳол-аҳволидан хабардор бўлиб боряпмиз. Айниқса, маҳал-

ламиздан 6 нафар хотин-қиз хорида ишлаётган бўлса, ҳар бири билан телефон орқали гаплашиб, давлат ташкилотлари билан ҳамкорликда улар дуч келаётган муаммоларни ечишига ёрдам бердик.

Айтиш жоизки, маҳалла тизимини ривожлантириш бўйича ҳали қилинадиган ишлар кўп. Одамлар ўз ҳаётида маҳалланинг ўрнини тўлақонли ҳис этишларига эришиш керак. Бунинг учун маҳаллалардаги кузатув кенгashi аъзолари фаолроқ ҳаракат қилиб,

аҳоли ўртасида иш олиб боришлари керак. Чунки раиснинг бир ўзи кўп иш қила олмайди. Ҳудуддаги жамики фаоллар — кўнгилли ёшлар, кексалар, обрў-эътиборли инсонлар унинг атрофига бирлашиб, маҳалла сиёсатини амалга оширишга кўмак беришса, натижа янада самаралироқ бўлади.

**Ғайрат  
ТИЛЛОЕВ,  
Қоровулбозор  
туманидаги  
«Бўстон»  
маҳалла  
фуқаролар  
йигини раиси.**

## МЕНДА САВОЛ БОР...

«Расмийлаштириш кечикса, жарима тўлайманми?»



— Тошкент шаҳридан уй сотиб олгандим. Бироқ шахсий масалаларим туфайли кўчмас мулкни давлат рўйхатидан ўтказа олмадим. Энди эса жарима тўлашим кераклигини айтишяпти. Шу тўғрими?

**Эрали ҲУСНИДДИНОВ,  
Фарғона вилояти.**

**Неъматжон ОТАМУРОДОВ,  
Кадастр агентлиги масъул ходими:**

— Конунчиликка кўра, кўчмас мулкка бўлган ҳуқуқни давлат рўйхатидан ўтказмасдан амалга оширилган битимлар ҳақиқий ҳисобланмайди. Тегишли ҳуқуқ пайдо бўлгандан кейин 1 ой ичидаги кўчмас мулк давлат рўйхатидан ўтказилиши керак. Бунда рўйхатдан ўтказиш тўғрисидаги ариза билан давлат хизматлари марказлари, Интерактив давлат хизматлари ягона портали орқали ([my.gov.uz](http://my.gov.uz)) ёхуд кўчмас мулк обьектига бўлган ҳуқуқларни давлат рўйхатидан ўтказувчи органга мурожаат қилинади.

Кўчмас мулкка бўлган ҳуқуқни ўз вақтида расмийлаштираслик 223 минг сўмдан 1 млн. 115 минг сўмгача микдорда жарима солишига сабаб бўлади.

# ДЕЖКОНИ ҚАНДАЙ БОЙ ҚИЛАМИЗ?

**Озиқ-овқат хавфсизлиги – бутун дунё мамлакатлари олдида турган энг долзарбазифалардан бирига айланди.** БМТ ҳам озиқ-овқат маҳсулотларини етишириш ва уларни тақсимлаш бўйича ёндашувни мутлақо ўзгартириш вақти келганини таъкидляяпти. Шу маънода юртимизда ҳам айни масалага алоҳида эътибор қаратилмоқда.



## Давлат сиёсати қачон самара беради?

Агар соҳага замонавий илм асосда ёндашиб, иқтисодий қуликлар яратилса, аграр соҳа, ўрмон ва балиқчилик хўжаликлари барчани озиқ-овқат билан тўлиқ таъминлаш, одамлар учун барқарор даромад манбанини яратиб беришга қодир. Қолаверса, қишлоқ хўжалиги – дунёдаги энг кўп иш ўринлари яратиш имкони бўлган тармоқdir. Бугун дунё аҳолисининг деярли 40 фоизи айнан шу соҳада меҳнат қилади. Бу, айниқ-

са, қишлоқлардаги оиласлар учун даромад келтирувчи ва бандликни таъминловчи асосий манбадир.

**Давлатнинг озиқ-овқат хавфсизлигини таъминлаш сиёсати қачон самара беради? Қачонки, маҳсулот ишлаб чиқариш ва импорт қилиш** даражалари оқилона уйғунлаштирилса, ҳосил бўладиган даромадни ишлаб чиқарувчи ва бошқа воситачилар ўртасида **адолатли тақсимлаш тизими** жорий этилса, албатта, аҳоли бу соҳада астойдил меҳнат қила бошлиди. Айни пайтда мамлакатимизда озиқ-овқат маҳсулотларига бўлган талаб ошапти, аҳоли сони ўсиши аноссида жон бошига истеъмол кўпаймоқда.

Ўзбекистонда қишлоқ хўжалиги иқтисодиётнинг етакчи тармоғи саналади. Унда **3,6 миллион киши, яъни иқтисодиётда банд бўлганларнинг 27 фоизи ишлайди**. Бу рақам

қишлоқ хўжалигига меҳнат қилувчиларнинг ҳаммаси дегани эмас, чунки асосий иш ўрни бошқа ташкilotда бўлиб, оила даромадининг асосий улушкини ўз томорқасида етиширган маҳсулотлари орқали топаётган фуқароларимиз ҳам кўп.

Коронавирус тарқалиши сабабли юзага келаётган инқироз чукурлашиб кетмаслиги, аҳолини озиқ-овқат маҳсулотлари билан етарли таъминлаб қолиш, уларнинг импорти орқали салмоқли даромад олиш учун мамлакатимизда **томорқачилик ҳаракатини** тўғри ташкил этиш бугун жуда муҳим.

## «Намунавий семинарлар»дан фойда йўқми?

Аввало, билишимиз зарурки, **худудларимизда имкониятлар бир хил эмас**, шу сабабли имкониятларни, соҳада юзага келган ва келаётган муаммоларни ўрганиш зарур. Баъзи вилоятларда **сув тақчиллиги кузатилса**, баъзиларида **суғориш иншоотлари ишдан чиққанлиги** сабабли томорқалардан унумли фойдаланишининг иложи йўқ. Баъзи худудларда **қишлоқ хўжалик**

**техникаси етишмаса**, баъзиларида **тайёр маҳсулотни сотиш муаммога** айланади. Шу омилларни чуқур таҳлил қилишда қўйидаги бир қатор жиҳатларга эътибор қаратилиши керак:

— Худудлар бўйича томорқаларни суғориш тизимини тартибга келтириш, томорқаларда **томчилаб суғориш тартиби** жорий қилинишини тушунтириш, рағбатлантириш мақсадга мувофиқ.

— Қишлоқ хўжалик техникаларини **ижрага бериш** бўйича пухта ўйланган тизим яратиш керак.

— Сифатли кўчат ва уруғлик билан **марказлашган ҳолда** таъминлаш яхши натижа беради, кейинчалик дехқон хўжаликлари бу соҳага ихтисослашувини ташкил қилиш муҳим.

— Етиширилган маҳсулотларни **адолатли нархларда сотиб олишни** йўлга қўйиш керак. Чунки ҳосил йиллар давомида яхши нархга сотилмагани сабабли баъзи юртдошларимизнинг кўли ишдан совиб қоляпти.

— Томорқа эгаларини **«намунавий семинарлар»**да эмас, балки амалда тизимли равишда замонавий агротехника ва бошқа билимлар

билан танишириб бориш керак.

— Қишлоқ худудларидаги мактабларда худуд хусусиятларидан келиб чиқиб, юқори синф ўқувчилариға факультативравишда боғдорчилик, иссиқхонада маҳсулот етишириш, чорвачилик, асаларичилик, күёнчилик ва қишлоқ хўжалигининг бошқа йўналишлари бўйича **машғулотлар ўтилиши** яхши самара беради.

\* \* \*

Инсон ўзи истамаса, унинг бажарган ишида унум ҳам, самара ҳам кам бўлади. Ҳар қандай соҳани ривожлантирувчи куч – меҳнатдан натижа чиқиши ва фойда кўришдир. Ўзбекистон шароитида, айниқса, буғунги мураккаб вазиятда ўзига тегиши томорқадан фойдаланмаётган инсонда қандайдир жиддий сабаб бўлиши мумкин. Масалага тизимли ёндашиша буни ҳам эсдан чиқармаслик лозим. Бу ўринда худудлар ва соҳалар раҳбарлари ҳам дехқончилик йўналишида ташкилий, хуқуқий ҳамда таъминот масаласида ёрдам беришлари лозим.

**Мақсада ВОРИСОВА, Олий Мажлис Қонунчилик палатаси депутати.**



## ТАЖРИБА ВА МУАММО

# «МАҲАЛЛА ХОДИМЛАРИГА ХИЗМАТ АВТОМАШИНАСИ АЖРАТИЛСА...»

**Бироз муболага билан айтсан, маҳаллада суюгим қотган. 2007 йилдан бери шу тизим иҷидаман. У даврда жамоатчилик асосида ишлардим. Аҳолининг тўй ва маърракаларида бош бўлардим. Шу сабабми, 2018 йилда маҳалла раиси сифатида иш бошладим.**

Ўша йиллари маҳалламида муаммолар кўп эди. Аввало, инфратузилма аҳволи қониқарсиз даражада, табиий газ ва ичимлик сув йўклигидан ташкири аҳолининг яшаш шароити ҳам ночор эди. Шу боис фоалиятимни аниқ режа билан давом эттиридим. Дастрлаб юқоридаги муаммоларга ечим топиш учун ҳамкор

ташкilotларга мурожаат билан чиқдим. Туман ҳокимлигига қилган мурожаатимиз натижасида 2019 йилда маҳалламиз «Обод маҳалла» дастури асосида янгича қиёфага кирди. Барча муаммоларга ечим топилди. Ҳозирда кўчаларимиз тўлиқ асфальтланди. Ичимлик сув тармоғи тортилди. Эски симёғочлар янгиланди.

Яна бир қувончилиг – маҳалла фуқаролар йиғинимизга янги бино қуриб берилди. Аҳолининг асосий даромад манбаи дехқончилик ва чорвачиликдан.

Айни пайтда муаммолар деярли йўқ, аммо маҳалла ходимлари фаолиятида техник кўмакка эҳтиёж сезиляпти, яъни

автомобилга. Сир эмас, тизим ходимлари асосан кўчама-кўча, уймай юришади. Оралиқ масофа катта. Гоҳ у четдан, зумда бу четга келишга тўғри келади. Шундай пайтда автомашинага эҳтиёж туғилади. Маҳалла ходимларига хизмат автомашинаси ажратилса ёки кредитга сотиб олиш имкони яратилса яхши бўларди. Масалан,

мен ўзимнинг шахсий автомашинам учун ҳар иккى кунда 40 минг сўмлик ёқилғи қуяман. Машина бўлса, меҳнатимиз унумдорлиги ошади. Мурожаатларни жойига чиқиб ўрганиш имконияти кенгаяди.

**Олтибий НИЁЗМЕТОВ, Хива туманидаги «Шомохулум» маҳалласи раиси.**

# ҚУРИЛИШ МАТЕРИАЛЛАРИ ИШЛАБ ЧИҚАРИШ ҚАЙ ТАРИҚА РИВОЖЛАНАДИ?

Бұгунги кунда қаёқ-қа қараманғ, улкан миқесдеги қурилиш-ларга күзингиз тушади. Бунёдкорліклар суръатидан бироз шошиб қолаётганимиз тушунарли. Чунки аввал соҳада бунақа шиддатни күрмагандык. Фақатгина баъзи ўринларда қурилишлар билан боғлиқ қандайдир шубҳалар ҳам пайдо бўлаётгани хавотирланарли. Бунга асос йўқ эмас — қурилган иморатлар билан боғлиқ юзага келган айrim ноҳуш вазиятлар, хусусан, уларнинг йиқилиб тушиш ёки қай даражададир ноҳозлик ҳолатлари рўй бердик, одамларда ишонч пасайди.

Мазкур жараёнда янги биноларда ишлатилётган қурилиш материаллари сифатсиз ишлаб чиқарилаётгани ҳақида гап-сўзлар ҳам «боловлади». Жумладан, бетон плиталарга темир арматуралар аралаштирилмаяпти, деган тасаввур кўпчиликда пайдо бўлди. Бунга ўхшаш тахминлар қанчалик ростлигини билмадигу, лекин соҳада муаммолар борлиги аниқ. Шу боис кейинги пайтда қурилиш материаллари ишлаб чиқаришни ривожлантиришга эътибор қаратилмоқда. Хўш, ушбу ўзгаришлар нималарда акс этмоқда?

## Тадбиркорлар ўқитилади

Дарҳақиқат, сўнгги пайтларда маҳаллий саноат тармоқлари ва қурилиш материаллари ишлаб чиқаришни жадал ривожланти-

ришга кўмаклашувчи яхлит тизим жорий этилди. Хусусан, «Ўзсаноатқурилишматериаллари» уюшмаси ҳузурида Қурилиш материаллари саноатини ривожлантириш бўйича кенгаш ташкил қилинниб, мазкур тармоқда лойиҳаларни амалга ошираётган тадбиркорлик субъектларига Тадбиркорлик фаолиятини кўллаб-қувватлаш давлат жамғармаси томонидан қатор имтиёзлар берилмоқда.

Аҳамиятли жихати, соҳада кадрларнинг билим, кўнникма ҳамда тажрибаларини ошириш мақсадида «Ўзсаноатқурилишбанк» АТБ ҳамда «Ўзсаноатқурилишматериаллари» уюшмаси ҳамкорлигига ўкув маркази очиш режалаштирилмоқда. Мълумотларга кўра, марказ тадбиркорларни ўқитишга мўлжалланган бўлиб, бу жараёнга малакали ўқитувчилар, ишбильармонлар, хориж экспертлари жалб этилади.

— Оҳангарон туманида банкимиз молиялаштирган йирик лойиҳа амалга



оширилди, — дейди «Ўзсаноатқурилишбанк» АТБ бошқаруви раиси ўринбосари Зафар Азимов.

— Яъни тадбиркорлик субъекти томонидан автоклав усулида газобетон ишлаб чиқарилляпти. Бу йирик инвестицион лойиҳа ҳисобланади. Лекин жойларга чиққани мизда кичик тадбиркорлар ҳам газобетон ишлаб чиқареётганини айтишмоқда. «Автоклав усулида ишлаб чиқаряпсизми?» десак, улар бунинг нималигини ҳам билишмаяпти.

# «АЛҲАДАЯ» КАСАЛЛИКНИ ДАВОЛАМАЙДИ



**Кейинги пайтларда биологик фаол қўшимчалар – БФҚлар истеъмоли тобора оммалашиб бормоқда. Афсуски, бу маҳсулотни реклама қилаётганлар «минг бир хасталикка даво» сифатида таърифлашмоқда. Натижада уни «мўъжизакор» қудрати ҳақидаги гапсўзлар тилдан-тилга ўтиб келмоқда. Мисол учун, бугун «Алҳадая» маҳсулоти ҳам шу тарзда касалликларга даво сифатида тавсия этилмоқда.**

Хўш, аслида ушбу маҳсулот соғлиги мизга қай даражада фойдали? Умуман, турли хасталикларда биологик фаол қўшимчаларга мурожаат қилишимиз тўғрими?

## Рекламаси тўғри олиб бориляптими?

Санитария-эпидемиологик осойишталик ва жамоат саломатлиги хизмати мутахассиси Абдубосит Абдураҳмоновнинг маълум қилишича, «Алҳадая» маҳсулоти биологик фаол қўшимича сифатида синовдан ўтган ва инсонга зарарли эмас, деган хулоса берилган. Демакки, у ҳеч бир касалликка даво ҳисобланмайди. Шунингдек, Фармацевтика тармогини ривожлантириш агентлиги матбуот хизмати раҳбари Қизлархон Бегматованинг айтишича, бу маҳсулот дори сифатида рўйхатдан ўтмаган.

Хўш, унда нега уни дори сифатида реклама қилингани? Минг дардга даво, дея тавсия этилмоқда? Бу бўйича Монополияга қарши курашиб қўмитаси ҳузуридаги Истеъмолчилар ҳуқуқини ҳимоя қилиш агентлиги мутахассиси Бобур Жўраевдан изоҳ сўрадик.

— «Алҳадая» маҳсулоти чиндан ҳам биологик фаол қўшимича сифатида тавсия этилган бўлса-да, унинг reklamasida касалликка

шифо экани тарғиб қилинган, — **дейди Б.Жўраев.** — Жараён ўрганилиб, 2020 йилда маҳсулот тарақатувчилари билан тушунтириш олиб борилган. Яни «Алҳадая» МЧЖ фаолиятини ўрганимизда маҳсус комиссия томонидан «Реклама тўғрисида»ги қонун талаблари бузилган, деб топилган. Шунга кўра, уларга маъмурий тартибда чора кўрилган. Ҳозирда улар томонидан телевидение ва радиода қўйилаётган реклама роликлари келишилган тарзда биз томондан кўриб, ижобий хулоса берилгандан кейин оммага эълон қилиб борилмоқда. Аммо ижтимоий тармоқдаги рекламаларни назорат қилиш бироз қийин бўлмоқда.

Шундан сўнг ижтимоий тармоқдаги рекламаларга ҳам эътибор қаратдик. Чиндан ҳам маҳсулот «Фейсбук» тармоғидаги «Алҳадаяга фирмклар» профилида очиқдан очиқ дори сифатида тарғиб қилинётган бўлса, «Тиб ва шифо» профилида эса уни қора седана ёғи дея сотилмоқда. «Алҳадая» Саудия Арабистони ва Мисрдан келтирилган, дейилса, қора седана ёғи капсуласи Туркиядан келгани ёзилган. Реклама матнида, айниқса, қора седана ёғи капсуласи ўлимдан бошқа барча хасталикларга шифо экани хадисларда

келтирилгани таъкидланади. Лекин қайси ҳадис экани кўрсатилмаган. Бу ҳам одамларнинг эътиқодий ишончидан фойдаланишнинг бир тури.

## Дорими ёки биологик қўшимча?..

Вазиятга ойдинлик киритиш мақсадида «Алҳадая» МЧЖ мутахассислари билан боғландик. Мижоз сифатидаги мурожаатимизга улар хушумомалалик билан жавоб беришди. 10 га яқин касалликлар безовта қилишини айтсан, ҳеч иккilanmай даво бўлишини билдириши. Тан олиш керак, маркетинг яхши йўлга қўйилган. Суҳбат якунида менга имтиёз ҳам берилди. Бу имтиёз орқали 3,5 миллион сўмлик маҳсулотни 2,5 миллион сўмга сотиб олишим мумкин экан. Юқоридаги имтиёз унча-мунча оддий одамни шошириб қўйиши бор гап. Эртасига худди шу фирма маҳсулотига оммавий тарзда 30 фоизлик чегирма эълон қилинди. Рекламаси ҳам ажойиб — «Ҳайитлигинизни олиб кетинг!» Қизик томони, реклама матнида бу маҳсулот Узбекистон омборларида тугагани ёзилади. Тугаган бўлса, шунча чегирмага не ҳожат?

Тошкент тибиёт академияси доценти, Халқаро илмий академия ва Халқ табобати академияси академиги, Узбекистон ихтирочилар жамияти аъзоси Алижон Фақировнинг фикрича, биологик фаол қўшимчалар касалликни даволашдан кўра, салбий асоратларда

қолдириши мумкин. Мисол учун, Россияда 2017 йилда тадқиқот ўтказилган. Жарроҳлик амалиётидан кейин беморларнинг бир гурухига БФҚлар берилган, иккинчисига эса йўқ. Орадан маълум муддат ўтгандан кейин иплар олинганда иккига руҳда ҳам жароҳатни битишида фарқ бўлмаган. БФҚлар жараёнга мутлақо таъсир қилмаган. Бу каби тажрибалар жуда кўп.

Сўнгра кўпгина давлатларда, жумладан, Россия, Канада ва АҚШда БФҚларнинг асотатлари ўрганилди. Мисол учун, таркибида натрий бўлса, ошқозонга тушиб сув билан аралашганда натрий хлор ҳосил қиласи. Бундай кислотанинг ошиб кетиши эса ошқозонни емиради ёки калий ёнади. Марганцовкадан портловчи модда ҳосил қиласа бўлади. Улар билан ҳазиллашиб бўлмайди ва бир жойга жамлаб ҳам.

Шу тариқа асотатлар кўрина бошлиди. Юртимизга эса БФҚларни 1990 йилларда қонуний ва ноқонуний тарзда олиб кириш бошланди. Америкадан, кейин Хитойдан келди. Кўп фирмалар аҳолидан маблағни йиғиб, катта пулга сотиб, кейин қочиб кетди. Лекин, ҳалқ улардан фойда кўргани йўқ. Фақат соғлигини, вақтини ва пулини йўқотди.

## «Биз дориликка даво қилмаймиз»

Мавзуга янада ойдинлик киритиш, маҳсулот чиндан ҳам дорими ёки йўқли-

гини билиш учун «Алҳадая» масъулияти чекланган жамияти раҳбари Олимжон АБДУВАҲОБОВга мурожаат қилдик.

— «Алҳадая» маҳсулоти чиндан ҳамдори эмас. **Биз дориликка даво қилмаймиз** ва касалликларни даволайди, деган фикрдан ҳам йироқмиз. Агар минг дардга даво, дейилган бўлса, хатони бартараф этамиз. Бу бизнинг ривожланишимизга ёрдам беради. Рекламаларимизда қора седанани даволигини келтирамиз, лекин «Алҳадая»ни барча касалликларга даво, деб бермаймиз.

Шу ўринда бир нарсага аниқлик киритиб ўтиш керак: «Алҳадая» Қозогистонда ишлаб чирилади. Таркибидаги седана ёғи Саудия Арабистони ва Мисрдан олиб келинади. Яни маҳсулот ўзи бу давлатларда ишлаб чиқилмайди. Худога шукур, натижаларимиз кўп. Маҳсулотимиз юзимизни ерга қаратмаяпти. Бу маҳсулотни ҳар қандай соғлом киши ҳам истеъмол қиласа, фақат фойда кўради. Аммо **қайсирид касалга чалинган беморни даволамайди.**

Инсон борки, хато қиласи. Фақат уни тўғриламаслик бошқа хатоларга йўл очади. Шахсан ўзим фоалиятимизга доир ҳар қандай эътироza га очиқ қарайман. Юқоридаги мақолада келтирилган камчиликларни ўрганиб, бартараф этамиз.

Яна такрорлайман, **биз маҳсулотимиз рекламаларида дориликка даво қилмаймиз.**

**Хайрулло АБДУРАҲМОНОВ.**

Бугунги кунда кўплаб аҳолимиз рақамли телевидениелар хизматидан фойдаланишади. Бироқ уларнинг хизмат кўрсатиш сифати, нарх-навосидан ҳамма бирдек рози эмас. Хўш, рақамли телевидениелар томонидан абонентларга кўрсатилаётган хизматлар сифати қай даражада? Мазкур соҳада истеъмолчилар билдираётган эътирозларга сабаб нима?

Асосий эътирозли мурожаатларда кўрсатилаётган хизматларни бажариш шарти ва муддатлари, шартнома баҳоси, хизматлар кўрсатишнинг кафолати, ҳақ тўлаш ва ҳисоб-китоблар тартиби, муддатлари ва шакли, томонларнинг ҳуқуқлари, мажбуриятлари ҳамда жавобгарлиги тўлиқ бажарилмаётганини баён этилган.

Истеъмолчилар ҳуқуқларини ҳимоя қилиш агентлиги мазкур мурожаатларга асосан, мавжуд меъёрий ҳужжатлар талабларига зид келувчи нормаларни мувофиқлаштириш юзасидан бугунги кунда 626 525 та абонентга хизмат кўрсатаётган рақамли телевидение фаолиятини ўрганди. Булар 584 449 та абонентга хизмат кўрсатувчи кабел телевидениеси ҳамда 42 076 та абонентга хизмат кўрсатувчи «Ўзбектелеком» АК ва унинг ҳудудий филиалларидир.

**Қонунга мувофиқ,** «Истеъмолчиларнинг ҳуқуқларини ҳимоя қилиш тўғрисида»ги қонуннинг «Товарлар (ишлар, хизматлар) ҳавфсиз бўлишини ва уларнинг сифатини на-

зорат қилувчи давлат бошқарув органларининг ваколатлари» тўғрисидаги 26-моддасида товар(иш, хизмат)лар ҳавфсиз бўлишига ва уларнинг сифатига доир талаблар бузилишини бартараф этиш, паст сифатли товарларни ишлаб чиқаришдан олиб ташлаш, чиқариш ва реализация қилишни тўхтатиш (ишлар бажарилишини, хизматлар кўрсатилишини тўхтатиш), уларни истеъмолчилардан қайтариб олиш тўғрисида ишлаб чиқарувчilarга (ижроиларга, сотувчilarга) кўрсатмалар йўллайдилар, шунингдек, бу ҳақда истеъмолчиларни хабардор қилишлари кўрсатиб ўтилган.

**Мазкур қонуннинг** 21-моддасига кўра эса сотувчи (ижрочи) истеъмолчини ҳақ эвазига қўшимча товарлар сотиб олишга ёки қўшимча хизматлардан фойдаланишга қисташга, шунингдек, кўрсатилмаган хизматлар учун ҳақ олишга ҳақли эмас. **Бироқ** мурожаатлар ўрганилганда кўрсатилмаган хизматлар учун абонент тўлови олинган.

**Рақамли ТВ хизмати-**

**ти кўрсатиш оммавий оферталари ўрганилганда истеъмолчиларнинг ҳуқуқларини чеклаб қўювчи бир қатор ҳолатлар борлиги кузатилди.** Унда истеъмолчи ўз вақтида, тўлиқ ва аниқ маълумот ҳамда ҳолатлар билан таъминланмаган. Шунингдек, кўрсатмалар йўллайдилар, шунингдек, бу ҳақда истеъмолчиларни хабардор қилишлари кўрсатилмаган. **Аслида** оператор (провайдер) абонентни ҳақ тўлаш эвазига қўшимча хизматлар кўрсатишга ёки маълум бир хизматни кўрсатиш учун бошқа хизматларни олишга мажбурлашга, шунингдек, абонентдан кўрсатилмаган хизматлар учун тўлов ундиришга ҳақли эмас.

**Абонентлардан** уларга ойнинг 1-санасида ҳисоб рақамларида маблағ бўлмаганини сабабли ёки кечик-



тириб тўлаши оқибатида хизматлар **кўрсатилмаган кунлар учун ҳам абонент тўлови олинмоқда.**

Шу билан бир қаторда, абонентнинг шахсий ҳисоб рақамида етарлича маблағлар бўлмаган тақдирда тармоқдан узуб қўйилади. Абонент тўловини ечиб олиш унинг шахсий ҳисоб рақамига тегишли сумма келиб тушган кунда амалга оширилади. Бунда тўлов жорий календарь ойи давомида тўланиши керак. Афсуски, тўлов қайси ойнинг қайси кунида бажарилганидан қатъи назар, бутун ой учун 100 фоиз миқдорида ечиб олиниши белгиланган.

**Бепул бўлган телеканаллар ҳам тармоқдан узилган**

Бугунги кунда мазкур хизматнинг 1

ойлик абонент тўлови мамлакатимиз бўйлаб ўртача **14 666 сўмдан 24 333 сўмгacha белгиланган** бўлиб, ўртача 30 дан 70 тагача телеканаллар олиб кўрсатилади. **Аммо** ўрганишлар давомида абонент рақамли телевидение учун ойлик тўловни амалга оширмаган тақдирда барча рақамли ТВ хизматларини кўрсатиш ташкilotлари томонидан Ўзбекистон Республикаси худудида бепул кўрсатилиши лозим бўлган 12 та миллий телеканаллар ҳам тармоқдан узуб қўйилганини аникланди.

**Шартномада устунлик бир томонлама бўлган**

**Ўрганилган** оферта шартномасида аввало, истеъмолчилар ҳуқуқларини чекловчи ҳолатларга дуч келинди. «Умумий шартлар», «Тарафларнинг мажбуриятлари» ва абонент тўловларини ҳисоб-китоб қилиш каби шартнома шартларида хизмат кўрсатувчи субъектлар ўзларига нисбатан бир томонлама устунлик берган. Хусусан, шартномаларда учраган «Умумий шартлар» бобида хизмат кўрсатувчи бир кунда 35 та каналдан иборат 20 соатдан кам бўлмаган вақтда теледастурларни кабель тармоғи орқали абонентларга таъминлаб бериш мажбуриятини олган. Аммо мажбурият белгиланган ҳажмда ёки сифатда бажарилмаган ҳолатда хизмат кўрсатувчига нисбатан чора механизми назарда тутилмаган.

Шунингдек, абонент томонидан тўловлар белгиланган муддатдан кечиккан ҳолатда ҳар бир кун учун 10 фоиз миқдорида пеня тўлайди. Аксинча, хизмат кўрсатувчи томонидан белгиланган муддатларда хизмат кўрсатилмаган ҳолатда

унга нисбатан пеня ёки жарима қўлланилиши ёки абонентга хизмат кўрсатилмаган кун учун ёки сифатиз кўрсатилган хизмат учун қайта ҳисоб-китоб қилиш имконияти шартномада белгиланмаган. Шартномалардан бирида эса КТВ тармоғидан фойдаланишдан воз кечиш холатларда уланиш учун тўланган сумма қайтарили маслиги кўрсатилган.

**Яна бир шартномада** оператор томонидан абонентнинг пластик картасига ёки банкдаги ҳисоб рақамига Ўзбекистон Республикаси миллий валютасида қайтариши белгиланган. Афсуски, оператор томонидан маблағларини қайтариш, абонентнинг пластик картасига ёки банкдаги ҳисоб рақамига Ўзбекистон Республикаси миллий валютасида қайтариши белгиланган. Афсуски, оператор томонидан маблағларини қайтариши, муддат кечикирилганда эса хизмат кўрсатувчиларга нисбатан чоралар белгиланмаган.

**Меъёрий ҳужжат талаблари бажарилиши шарт!**

Истеъмолчилар ҳуқуқларини ҳимоя қилиш агентлиги томонидан республика худудида рақамли ТВ хизмати кўрсатувчи 96 та хўжалик юритувчи ташкилотлари ва «Ўзбектелеком» АКнинг ҳудудий филиаллари томонидан кўрсатиладиган (IPTV) рақамли ТВ хизматларининг оммавий оферталари ўрганилди. 70 та ҳолатда соҳани тартибга солувчи меъёрий ҳужжатлар талаблари бажарилмаганини аникланниб, ташкилотларга ушбу камчиликларни бартараф этиш юзасидан тегишли тавсиялар берилди.

**А.РАУПОВ,**  
**Истеъмолчилар ҳуқуқларини ҳимоя қилиш агентлиги бош мутахассиси.**

## МЕНДА САВОЛ БОР...

### АЛИМЕНТДАН ҚАРЗДОРНИ ХОРИЖГА ЧИҚИШ ҲУҚУҚИНИ ЧЕКЛАШ МУМКИНМИ?



**Севара УРИНБАЕВА,  
Адлия вазирлиги матбуот хизмати раҳбари:**

— «Суд ҳужжатлари ва бошқа органлар ҳужжатларини ижро этиш тўғрисида»ги қонуннинг 421-моддасига кўра, суд ҳужжати асосида берилган ижро ҳужжатидаги ёки ижро

хужжати бўлган суд ҳужжатидаги талаблар белгиланган муддатда қарздор жисмоний шахс томонидан узрсиз сабабларга кўра ижро этилмаганда, давлат ижрочиси ундирувчining аризаси бўйича ёки ўз ташаббуси билан қарздор жисмоний шахснинг Ўзбекистон Республикасидан чиқишини вақтинча чеклаш тўғрисида қарор чиқаришга ҳақли. Сиз давлат ижрочисига шу турдаги ариза билан мурожаат қўлганингизда аризангизда

# ПАНЖАРАЛАР КИМНИ КИМДАН «АСРАЙДИЭ»

Бир неча йил илгари түрли ташкилотлар, идоралар атрофини панжаралар билан ўраб олиш урфга кирган эди. Аслида, бу панжаралар ўша пайтда онгларга, қалбларга қўйилган «панжара» эди. Оддий одамларни давлат идораларидан, жамоат ташкилотларидан, ҳатто таълим, тиббиёт муассасалари ва оммавий ахборот воситаларидан ҳам ажратиб турадиган панжаралар...



Бир куни пойтахтдаги Матбуотчилар уйи биносига кира олмай, ярим кун сарсон бўлганим ёдимда. Ваҳоланки, ўзим бошқа бир нашрда ишлайдиган журналистман. Ичкарида ўнлаб ошна-оғайниларим, ҳамкасларим бор. Аммо кургур паспортни олиб келиш ёдимдан кўтарилиди. Паспортсиз эса ҳалқ минбари, эркинлик ва демократия тимсоли бўлган бинога кириш тақиқланган эди. Бир эмас, икки нафар ички ишлар ходими кириш эшикларини кўриклар, икки нафар «пропуск» ёзib берувчи аёлнинг дафтарида паспорт маълумотларингизни киритмай, ичкарига йўл катта муаммо эди. Худди шу каби ҳолат барча ҳокимликлар, вазирликлар, ҳуқук идоралари, судлар, банклар, олий таълим, тиббиёт муассасалари ва ҳоказоларда ҳам бор эди.

Афсуски, панжаралар

ўрнатиш «касали» йиллар ўтиши билан барҳам топмаяпти. Президентимиз томонидан барча даражадаги раҳбарлар ва ташкилотларга ҳалқ учун очилиш талаби қайта-қайта қўйилгани билан айрим раҳбарлар панжаралардан ҳали воз кеча олишмади.

## Деворлар фикrlашни ҳам чеклади

Бир нарса аниқ. Деворлар орасида яшаган инсоннинг фикrlаш дарражаси ҳам чекланади. Масалан, узоқ вақт турмада ўтирган одамларда воқеа-ҳодисаларга нисбатан деярли бир хилда муносабатда бўлишлари тадқиқчилар томонидан аниқланган. Бизда исталган шахрингизга бир назар ташланг. Кўп қаватли уйларнинг ҳовлиларида, кўчалар бўйида, ҳокимликлар, университетлар ва ҳатто ресторонларнинг атрофида

тўсиқларни кўриш мумкин. Тўсиқ борлиги туфайли керакли жойдан йўлни кесиб ўтолмаётганингизда нимани ҳис қиласиз? Йўл четидаги тўсиқларни айланниб ўтишга тўғри келганида қандай фикрлар пайдо бўлади? Деворлари бўйлаб айланниб ўтиш учун қанча вақт сарфлайсиз? Ижро ҳокимияти мутахассиси иш бўйича хизмат хонасига чақирса, кутишга сарфланган бир неча дақиқаларни совуқ ёки жазирамада ўтказишга қандай қарайсиз? Шаҳарларимизда тўсиқлар ҳаддан зиёд кўп. Нима учун биз улар орасида яшашимиз керак?

## Ҳаётни осонлаштириш учун ишлаш керак

Амалдорларимиз майсалар устида юриш мумкинлиги, университетлар атрофи панжаралар билан ўраб қўйиладиган жой эмаслиги, пиёдаларни

ҳайдовчилардан темирлар билан эмас, балки бута ёки очик майдон билан ҳам ажратишнинг иложи борлигини хаёлларига ҳам келтирмайдилар. Яхшироқ қилиш эмас, балки осонроқ йўлдан боришни маъқул кўрамиз. Пойтахтда шундай объектлар борки, уларни кетма-кет жойлаштирилган тўрт-бешта панжаралар ортидан томоша қилиш мумкин. Аммо шаҳарни панжаралар ортидан эмас, эркин ҳолда томоша қилиш яхшироқ.

## Камроқ тўсиқ — кўпроқ соғлом фикrlар

Деярли ҳар бир кўп қаватли уйнинг ҳовлисида кичик-кичик томорқачаларни кўриш мумкин. Одатда улар ўраб қўйилган. Битта шундай уйнинг ўзида бир неча кўринишдаги тўсиқларни учратасиз. Тўсиқлар келишув асосида ўрнатилмайди, шунинг учун уларнинг ҳажми, ранги ва кўриниши ҳар хил. Бундай уйни қуроқ кўрпага ўхшатиш мумкин, панжараларнинг хилма-хиллиги эса манзарани хунук қилиб кўрсатади ва тураржой нархини арzonлаштиради. Кўп миллионли шаҳарда боғга очиладиган эшиги бўлган квартирада яшаш кимга ёқмайди дейсиз. Биринчи қаватлардаги квартиralар олдида жойлашган мўъжазгина боғчалар уй эгаларига дахлсизлик ҳиссини баҳшида этади. Бу ерда кўчадан тўғри уйга кириш учун эшик очиш, тоза ҳавода дам олиш учун шароит яратиб қўйиш мумкин.

Бундай меъморий ечимдан Европа шаҳарларида кенг фойдаланишади. Квартиralар олдида бундай боғчалар ўша квартиранинг фойдали майдонини кенгайтиради, тураржой нархининг ошишига хизмат қилади ва ниҳоят, шунчаки одамларни баҳтироқ қилади. Лекин нафақат биринчи қаватлarda яшайдиганлар, балки қўшнилар,

оддий ўткинчилар ҳам баҳтли бўлишлари учун бундай боғчалар учун ажратиладиган майдонлар ва тўсиқлар дизайни стандартлаштирилиши лозим.

Уйлар олдиаги тўсиқларни ҳамма ҳам рухсат олиб ўрнатмаган. Айрим маҳаллаларда бундай боғчалар ҳатто пиёдалар йўлакларини ҳам тўсиб қўйган, лекин бу кўчаларни режалаштириш билан боғлиқ масала бўлгани учун бунга тўхталиб ўтирамиз. Уйлар олдиаги боғчаларга қайтсан, уларнинг деярли барчаси бу майдончалардан эгалари фойдаланаётгани учун эмас, балки шунчаки тўсиқ бўлиши кераклиги учун ўраб қўйилган. Натижада ҳовлиларимиз бетон, тўсиқ ва машиналардан иборат бўлиб қолди. Шаҳар ҳокимиятининг эса бу билан иши йўқ, чунки уларнинг муҳимроқ ишлари бор.

Банкирлар ҳам бинолар атрофини панжаралар билан ўраб қўйиши ёқтиришади. Тўсиқ билан ўраш учун маҳсус рухсатнома олиш керак деган талаб йўқ. Бундан нафақат ҳимояланиши ёқтирадиганлар фойдаланади, балки банк қўриқчилари ҳам тўсиқ бор, деб тинчроқ ухлашади.

Айрим банклар тўсиқларсиз ҳам ишлайди ва ҳеч қандай ёмон нарса бўлмайди. Бизнинг қонунчилигимиз янги тўсиқларни ўрнатишни талаб қилмайди. Уларни ўрнатиш тўғрисидаги қарор кимга керак бўлса, уларга юқлатилган. Эскирган хавфсизлик талаблари ҳам ҳалиям сақланиб қолганга ўхшайди. Қоидаларни янгилаш вақти аллақачон етиб келганига қарамасдан, уларга риоя қилинмоқда. Бизнинг-ча, панжара ва деворлар ўрнатишнинг қатъий қоидала-рини белгилаш вақти келган. Акс ҳолда қамоқхонага ўхшаш шаҳарлар қуришда давом этаверамиз.

**Шерали ҚИРГИЗБОЕВ.**

## «ТЕМИР ДАФТАРДАМАН»

# ҚўМАК ТУФАЙЛИ ДАРОМАДГА КИРГАН ОИЛА

Ўтган йили пандемия туфайли оиласиз «Темир дафтар»га киритилганди. Кўмак сифатида бизга давлат томонидан икки бош қўй берилди. Бир йил давомида улар 24 тага? етди. Шундан 10 тасини сотиб оиласиз эҳтиёжига ишлатдик.

Яна парранда-чилик билан ҳам шуғулланамиз. 35 дона товуғимиз бор. Ҳар куни қишлоғимиздаги ҳусусий боғчага 25-30 дона-дан тухум етказиб берамиз. Фоз, курка, «индикутка»ларимиз ҳам тухум беради. 20 дона куркамизни боқиб, семиртириб гўштга сотдик.

Қизим «Ёшлар дафтори»га кири-тилгани учун унга 20 сотих ер берилди. Бу ерга қизил ловия эк-дик. Бундан олинган ҳосилни 1 млн. 200 минг сўмга сотиб, рўзгорга ишлатдик. Урнига маккажўхори экканмиз. Насиб

қилса, 15 кунда бу ҳам пишиб етилади. Томорқамида ҳам 6-7 хил мевали да-рахтларимиз бор. Карантин пайтда бўш вақтимиз бўлмади. Тинимиз ҳар-катларимиз самара бериб, рўзгоримизга барака кирди. Энди орттириб, қурилишлар бошладик. Уйимизни таъмирлаяпмиз. Шу боис ўз розилигимиз билан «Темир дафтар»дан чиқдик.

**Жамолиддин  
ШЕРМАТОВ,  
Тўрақўрғон  
туманидаги  
«Лангарбобо»  
маҳалласи.**

Ёлланма мөхнат бозори, оддий қилиб айтганда, мардикорлик нафақат юртимизда, балки бутун дунёда жиддий муаммолардан ҳисобланади. Ҳатто, жаҳоннинг энг ривожланган давлатларидан бўлмиш АҚШда ҳам бу оддий ҳолдир.

# БИР КУНЛИК ИШ ҲАҚИ

## — БИР КИЛОГРАММ ГЎШТ НАРХИ

Ушбу давлатда уюшмаган кунлик мөхнатга нафақат иммигрантлар, балки АҚШ фуқаролари ҳам ёлланади. Бунда мардикорларнинг учдан бир қисми ҳуқуқбузарлиқ ҳолларига дуч келади. Инсофиз иш берувчи уларни кун бўйи ишлатиб, мөхнат ҳақини бермаслиги мумкин. Паст тўлов ва оғир мөхнат шароити, ишдаги жароҳатлардан ҳимоясизлик – бу мамлакатда ҳам тез-тез учраб туради.

**Шундай бўлсада,** АҚШда бу каби мөхнат бозорларини тартибга солиш бўйича изчил иш олиб борилмоқда. Ҳусусан, Лос-Анжелес шаҳрида кунлик иш марказлари доимий фаолият юритади. Уларга мурожаат қилганлар доимо бир кунлик иш топиши ва қўрқмай ишга ёлланиши мумкин, шу жумладан, аёллар ҳам.

Ўзбекистонда ҳам ёлланма мөхнат бозорини тартибга солиш масаласи устида сўнгги йилларда жиддий ишлар олиб борилмоқда. Бу муаммони ҳал этиш-

га нафақат давлат тузилмалари, балки фуқаролик жамияти институтлари ҳам кенг жалб этилмоқда. Ҳусусан, Олий Мажлис Сенати Гендер тенглик ва хотин-қизлар масалалари қўмитаси аъзолари кузатув ва тадқиқотлар олиб бориб, тегишли таклифларни шакллантирмоқда.

Ҳозир мардикор бозорлари нафақат шаҳарларда, балки туман ва узок қишлоқлarda ҳам бор. Афсуски, ишга ёлланишга чиқсан инсонлар орасида хотин-қизлар сони кўпчиликни ташкил этмоқда. Аксига олиб, мардикорликка чиқсан аёллар эрта йигилади. Боиси аксарият ҳолларда вилоятлар мардикор бозорларида уларни дала ишларига ёллашди. Ачинарлиси, хотин-қизлар оғир ишларни ҳам бажаришга мажбур бўлмоқдалар.

**Бунинг бирдан-бир сабаби** – иш берувчилар фаолиятини назорат қилиш имкони йўқ. Бу эса аёллар ҳеч қандай ҳуқуқий ҳимояга эга



эмас, деганидир. Қолаверса, кўплаб ўзбек аёллари қўшини Қозогистон ва Қирғизистонга пахта териими ёки бошқа қишлоқ хўжалиги юмушларига жалб этиладиган ҳолатлар ҳам учрайди. Бу жараёнда эса уларнинг ҳуқуқлари умуман кафолатланмаган. Шунинг оқибатида улар машақкат билан мөхнат қилиб, бир тийин ололмаган пайтлар ҳам, афсуски, учраб туради.

**Экспертлар фикрича,** айнан оғир моддий аҳвол юртимизнинг турли жойларидан келган аёлларни мардикор бозорига чиқиб, энг оғир, қора ва паст ҳақ тўланадиган бўлсада, иш топиб, кун кечиришга мажбур қилмоқда. Ёзилмаган қоидага биноан, бир кунлик иш ҳақи бир

юкламасини охиригача бажариб, топган пулини оиласига олиб боради.

Табиийки, вақтида қилинган ана шу оғир юмушлар изсиз кетмайди, яъни вақти келиб аёллар саломатлигига салбий таъсирини кўрсатади. Баъзи бирлари иш жараёнда турли даражада жароҳат олади. Ишга ёлланган пайтда зўравонлик ёки ноҳақлик қурбонига айланиш ҳолатлари ҳам кам эмас. Чунки амалда уларнинг ҳақ-ҳуқуқлари қонун билан ҳимояланмаган.

**Шундай экан,** биринчи бўлиб мардикор аёлларни ҳуқуқий жиҳатдан муҳофазалаш талаб этилади. Шунинг мантиқий давоми сифатида уларнинг ҳуқуқий саводхонлигини ошириш ҳам жуда муҳим.

**Муаммо илдизига назар ташласак,** аслида унинг ечими, аввало, ишга эҳтиёжи бор аёлларни ўқитиш ва уларни касб-хунарга тайёрлашдан иборат экани ойдинлашади. Зоро, замонавий касбга эга бўлган, ўз ҳуқуқларини яхши биладиган хотин-қизларнинг жамиятда ўз ўрнини топиши осонро кечади.

Бу борада юртимизда қатор ишлар олиб борилмоқда. Президентимизнинг 2021 йил 28 апрелдаги «**2021 йилда янги иш ўринларини ташкил этиш ва аҳоли бандлигига кўмаклашиш бўйича давлат дастури тўғрисида**»ги қарори билан Бандлик ва мөхнат муносабатлари вазирлигининг туман (шаҳар) аҳоли бандлигига кўмаклашиш марказлари ҳузуридаги вақтинча бир марталик иш билан таъминлаш бюrolари Кунлик мөхнат марказлари сифатида қайта ташкил этилди.

**Малика ҚОДИРХОНОВА,** Олий Мажлис Сенатининг Гендер тенглик ва хотин-қизлар масалалари қўмитаси раиси.

ганини алоҳида қайд этиш жоиз.

Ҳукуматнинг жорий йил 1 июлдаги қарорида эса ҳудудлар эҳтиёжидан келиб чиқиб, жойларда давлат-хуссий шериклик асосида Кунлик мөхнат марказлари ҳамда уларда иш берувчи ва иш изловчилар учун Call-марказ ташкил этиш, иш изловчиларни иш жойига транспортда олиб бориш ва олиб келиш хизматини кўрсатади, шахсий ҳимоя во-ситалари ва маҳсус кийимларни ижарага бериш, овқатланиш ва хизмат кўрсатиш шоҳобчаларини йўлга қўйишга алоҳида эътибор қаратиш белгилаб қўйилди.

Ички ишлар ва-зирлиги томонидан вақтинча, мавсумий ва бир марталик ишларни бажараётган шахсларни доимий яшаш ва вақтинча турган жойи бўйича рўйхатга олиш билан боғлиқ ишларни фуқароларни жалб этмаган ҳолда идораларро электрон ҳамкорлик орқали амалга ошириш чоралари кўрилаётганини ҳам муҳим янгиликлардан бири сифатида келтириш мумкин.

Шулар асосида ху-лоса қиласиган бўлсақ, қабул қилинган қарорларда белгиланган вазифаларнинг мутасаддилар томонидан ўз вақтида ва сифатли ижро этилиши мардикорлик билан боғлиқ барча муаммоларни ҳал этишининг мақбул ечимиdir. Бу борада биз, сенаторлардан ҳам фаол бўлиш талаб этилади.

### МАҲАЛЛА ҲАЁТИДАН

## «ҚИШЛОҚ ВРАЧЛИК ПУНКТИ ҚАЙТА ТИКЛАНИШИ КЕРАК»

Маҳалламиз «Обод маҳалла» дастурига киритилиб, обод манзилга айланмоқда. Шу кунга қадар 4,6 км. ички йўлларимиз шағаллаштирилиб, 8 км. йўл асфальтланди. Олтин мерос ва Оқшом кўчаларимизга 37 та темир-бетон устунлар кўча чироқлари билан бирга ўрнатилди.

Барча кўчала-римизга ичимлик сув тармоғи тортилиб, аҳолимиз тўлиқ таъминланди. 29-мактабгача таълим муассасаси қайта таъмирланниб, эски мактаб ўрнида 446 ўрнили янги мактаб қурилди. Аммо спорт зали ҳам янгидан қурилса янада яхши бўларди.

Энг муҳими, б хонали маҳалла идорамиз янгидан

қурилди. Идорамиз ёнида вилоят ҳо-кимлиги ташабbusi билан «Наврўз» тикувчилик цехи очилиб, 8 та тикув машинаси билан таъминланди. Бу ерда 12 нафар хотин-қизларимиз иш ўрнига эга бўлди.

Таклифимиз, маҳалламизда олдин ёпилган қишлоқ врачлик пункти фаолиятини қайта йўлга кўйиш керак.

Негаки, аҳолимиз қаҳратон қишида ҳам, иссиқ чиллада ҳам оддий эмлашлар учун 3 км. олисдаги Пахтакор қишлоқ врачилик пунктига қатнашга мажбур бўляпти.

**Турсунали АЛИМОВ,** Бўстон тумани «Сарбон» маҳалла фуқаролар йигини раиси.

# БИР ҚАНОТЛИ ҚУШ УЧМАЙДИ

ёхуд ношир ва китобхоннинг бутунги оғриқлари

2017 йилда Президент томонидан қабул қилинган иккита ҳужжат китобхон аҳолидан ташқари, ноширлик фаолияти билан шуғулланувчиларни ҳам қувонтирган эди. Булар — «Китоб маҳсулотларини чоп этиш ва тарқатиш тизимини ривожлантириш, китоб мутолааси ва китобхонлик маданиятини ошириш ҳамда тарғиб қилиш бўйича комплекс чора-тадбирлар дастури тўғрисида»ги қарор эди.

Хўш, орадан қарийб тўрт йил вақт ўтиб, соҳада нима ўзгаришлар юз берди? Ҳужжатларда қўйилган вазифалар қай даражада амалга оширилди? Бугуннинг китобхони ноширдан, муҳаррирдан, китоб сотувчиларидан рози бўляптими? Ноширлар нимадан ташвишдаю, китобхонни нималар қўйнамоқда?

## «Қоғознинг иккинчи бети» ҳам бор

Тўғри, давлат раҳбари илгари сурган «Беш муҳим ташаббус» лойиҳасидаги алоҳида йўналиш — «Ёшлар маънавиятини юксалиши, улар ўртасида китобхонликни кенг тарғиб қилиш» бўйича мақтанишга арзирили натижаларимиз бор. Аммо улар саноқли. Масалан, мактаб ўқувчилари ва ёш оиласарни қамраб олган анъанавий «Ёш китобхон» ва «Ёш китобхон оила» республика танловлари йўлга қўйилди. 2019 йил октябрь оидан бошлаб ҳар йили «Tashkent Book Fest» халқаро китоб кўргазмасини ўтказиш яхши урф айланди. Маҳаллий бюджетлардан 7,0 млрд. сўмдан ортиқ маблағ ҳисобига 1,0 млн. нусхадан китоб маҳсулотлари мактаб кутубхоналари ва бошқа идоравий кутубхоналарга етказиб берилди. 2017 йилгача ўқув адабиётларидан ташқари, китоб маҳсулотларининг улуши 25 фоизни ташкил этган бўлса, ҳозирда бу кўрсаткич 40-45 фоизгача етди.

Булар ислоҳотларимизда маънавий фойда, деб айтиш мумкин бўлган жиҳатлар. Аммо, ноширлар тилида айтганда, «қоғознинг иккинчи бети» ҳам бор. Бу — масаланинг моддий (ёки иқтисодий) жиҳатидир. Тўғри, соҳани ривожлантириш учун ҳукуқий

жиҳатдан либерал-лаштириш сиёсатимиз китоб бозорида эркин рақобат муҳитини жадаллаштириб юборди. Афсуски, ноширлик фаолияти учун ҳусусий секторга тўсиқлариз яратилган шароит ўз-ўзидан маънавий-маърифий жиҳатларни соясида қолдириш фактини ҳам «балофатга етказди.

Айрим таҳлилларга назар соламиз. Бугунги статистика нашриётлар сони 200 дан ошганини кўрсатмокда. Давлат улуши 47 та нашриётга тегишли, холос. 2016 йилга нисбатан бу йилда ҳусусий сектордаги нашриётлар сони нақ 288 фоизга ўсган (беш йилда ҳар йили ўртача 55 фоиздан). Ҳозирда республика музей бўйича нашриётматбаа корхоналарининг китоб маҳсулотларини йиллик ишлаб чиқариш қуввати эса 273,6 млн. нусхага етган.

Бир қарашда соҳа мамлакат иқтисодиётiga ижобий таъсир беряпти, деймиз. Лекин «иккинчи қанотда қолган китобхон» ўз хаёлотига мос китоблар топа олаётганига ишончимиз нокомил. Бунинг сабаблари кўп.

## Сифат ва мазмун ҳамоҳангми?

**Биринчидан**, китобларни нашрга тайёрлаш билан боғлиқ жараённи такомиллаштириш зарур. Ноширлик субъектларининг ўз маҳсулотини нафақат умумэтироф этилган соҳавий стандартлар талабига, балки бадиий-гоявий мазмунига мослиги ва ижтимоий аҳамияти бўйича тизим етишмаяпти. Бу, биринчи галда, ноширларни қизиқтириши керак. Афсус, **муаммо ноширнинг масъулиятсизлиги билан ҳам газак отмоқда**.

**Иккинчидан**, бизда китоб маҳсулотларининг қадр-қиммати



унинг нархида эмас, мазмунида эканини яхши англайдиган китобхонлар кўпайиши керак. Яъни контрафактга алданмайдиган, нархи сифат ва стандартга ярашик китобни танлай биладиган китобсварлар ҳар қандай жамиятда қадрланади.

**Яна бир масала.** Бугун бозорлардаги муомалада бўлган болалар **адабиётларининг аҳволи ҳали мақтанарли даражада эмаслигимиздан дарак беряпти**. Айниқса, ўсмирларга мўлжалланган китобларнинг аксари мазмунан саёс ёки чалкаш мавжудотлар билан чоп этилгани ташвишга солади.

2020 йилда ноширлик соҳасига оид қонунчилик талаблари бузилиши оқибатида масъул тузилма томонидан жами 42 та нашриётга тақдимномалар киритилган. Таҳлил қилинган 301 та китобларнинг 51 таси умумтаълим мактабларига мўлжалланган дарслик ва ўқув кўлланмалариридир. Китобларда аниқланган қонунчилик бузилишлари орасида Ўзбекистон Республикасининг «Давлат тили ҳақида», «Муаллифлик ҳукуқи ва турдош ҳукуқлар тўғрисида», «Ёшларга оид давлат сиёсати тўғрисида», «Бола ҳукуқларининг кафолатлари тўғрисида», «Алкоголь ва тамаки маҳсулотларининг тарқатилиши ҳамда истеъмол қилинишини чеклаш тўғрисида»ги қонунлар

талабларини қўпол бузиш ҳолатлари кўп учрамоқда.

## ҚҚС китоб бозорига акс таъсир этадими?

Кузатувлардан шу нарса маълумки, соҳада қофоз ва матбаа хомашёлари нархларининг ошиб бориши, шунингдек, 2020 йил 1 апрелдан китоб маҳсулотлари га қўшилган қиймат солиги (ҚҚС) жорий этилиши ҳамда коронавирус пандемияси оқибатида бутун дунёда юзага келган иқтисодий инқиroz жараёнлари ўзига яраша қийинчиликлар яратди.

Давлат солиқ қўмитаси маълумотларига кўра, 2017-2020 йилларда нашриётлар томонидан тўлаб борилган жами солиқларнинг 61,8 фоизи ҚҚС хиссасига тўғри келади. Ҳозирда маҳаллий нашриётматбаа корхоналари томонидан ҚҚСдан ташқари ер (0,95 фоиз), мулк (2 фоиз), сув ҳамда ижтимоий (мехнатга ҳак тўлаш фондидан 12 фоиз) ва фойда (фойдадан 15 фоиз) солиқлари тўланади. Ушбу солиқларнинг умумий сотув ҳажмига нисбатан ўртача улуши 4 фоизни ташкил этади.

Маълумки, ҚҚСдан ташқари барча солиқ ва мажбурий тўловлар маҳсулот рентабеллиги ҳисобидан тўланиб, ҚҚС эса якуний истеъмолчи (kitobxon) ҳисобидан қопланади. Шунинг учун **ушбу солиқнинг мавжудлиги**

ёки миқдори бевосита истеъмолчи-ларнинг бозордаги ҳаракатларига акс таъсир этмоқда.

Ташқи ишлар вазирлиги томонидан тақдим этилган маълумотларга кўра, Халқаро ноширлар уюшмаси (IPA) ва Европа нашриётлари федерацияси (FEP) томонидан 2018 йилда дунёнинг 134 давлатида босма ва электрон нашрлар учун ҚҚС ставкаларини қўллаш бўйича ўрганиш ўтказилган. Натижасига кўра, 4 та давлатда (тадқиқот қатнашчиларининг 3 фоизида) китоб маҳсулотлари учун ҚҚС умуман мавжуд эмас. 62 та мамлакатда (47 фоизида) босма китоблар учун ҚҚС имтиёзли ноль фоиз миқдорида, 50 та давлатда (37 фоизида) китоб маҳсулотлари учун ҚҚС 15 фоиздан паст миқдорда, 18 та мамлакатда (13 фоизида) китоб маҳсулотлари учун ҚҚС 15 ва ундан юқори фоиз миқдорларда ўрнатилган.

Хулоса қилганда, китоб одамнинг бирламчи ёки кундаклик эҳтиёжлари қаторига кирмайди. Қолаверса, китобнинг асосий истеъмолчилари — мактаб ўқувчиси, талаба, нафақаҳур китобхонлар экани ҳисобга олинса, кундан-кун ҳарид қобилияти камайиб бориши кузатилмокда. Ўз навбатида, бу китобхонликни оммалаштириш ва мутолаа маданиятини ривожлантириш ишларига салбий таъсир ўтказиши табиий. Шунинг учун миллий ноширлик соҳасини ривожлантиришдаги муаммоларни чуқур ўрганиш, унинг сабаб ва оқибатини тўғри баҳолаш орқалигини керакли тадбирни кўллаш лозим.

**Умид ЖАББОРОВ,**  
**Олий Мажлис**  
**Қонунчилик**  
**палатаси депутати.**

# «ҚОРА ПАКЕТ»ЛАР ҚАЧОНГАЧА ТЕКИН БЕРИЛАДИ?

Деярли ҳар куни «Қўйлиқ»декон бозори ёнидан ўтаман. Ариқлар, бетон йўлакчаларнинг четларига илиниб қолган оқ-қора аралаш полиэтилен пакетларнинг шахар кўркига дод бўлиб турганидан кайфиятим бузилади. Чор атрофда сочилиб ётган писта пўчоқлари, қофозлар, ҳар хил чиқиндилар негадир ка зо-казо брендларни ўзида жамлаган «Compass» савдо мажмуси раҳбиятини ҳам ташвишлантирмайди.

Ахир бу савдо марказига сайёхлар ҳам ташриф буюришади. Менимча, бу ахвол нафақат бизда, балки шахримиз меҳмонларида ҳам ёқимсиз ҳисларни уйғотса керак. Қолаверса, полиэтилен пакетлар табиат, инсон ва ҳайвонот олами учун ҳам хавф туғдиради.

## Қандай пакетлар тақиқланган?

Президентимизнинг 2018 йил 18 майдаги «Маиший чиқиндилар билан боғлиқ ишларни амалга ошириш тизимини янада тақомиллаштириш чора-тадбирлари тўғрисида»ги қарори билан 2019 йил 1 январдан бошлаб, савдо шоҳобчалари орқали полимер плёнкали пакетларни бепул бериш тақиқланганди. Уларнинг нархини мамлакатимиз ху-



дууда сотиладиган товарлар нархига кўшиш, шунингдек, ўз таннархидан паст қийматда сотиш, қалинлиги 40 микрондан кам бўлган полимер плёнкали пакетларни ишлаб чиқариш ҳам ман этилган. Хўш, атроф-муҳит соғлигини асрар, «қора пакет»лар тарқалишини назоратга олишга йўналтирилган мазкур қарор ижросини таъминлаш борасида жойлардаги вазият қандай?

— Бозорларда полимер пакетлардан бемалол ва очиқасига фойдаланиляпти,

— дейди пойтактимизнинг Яшнобод тумани умумий овқатланиш шоҳбаси раҳбари Дилноза Жўраева.

— Масалан, «Қўйлиқ»

буюм бозорида ёймачилар ҳам, пештахталарда савдо килалигидан сотувчилар ҳам полимер пакетларни харидорларга бепул беришади. Бозорларда нимаики харид қилманг — бу хоҳ нон маҳсулотлари, кийимкечак, қурилиш моллари, маиший товарлар бўлсин, сотувчи «универсал» қора пакетга солиб беради. Пакетлар савдоси ҳам бозорларнинг ўзида йўлга қўйилган. Пакетфурушлар маҳсулотни қаердан олишаётгани номаълум. Чунки бундай товарларни ички бозор учун ишлаб чиқариш тақиқланган. Балки баъзи корхоналар қоидани бузган ҳолда ишлаб чиқаришни давом эттирайтимикин?..



## РАИС СЎЗ СЎРАЙИ

### «МАСЪУЛЛАР ҚУРУҚ ВАЪДАДАН НАРИГА ЎТИШМАЯПТИ!»

Маҳалламиз туман марказидан 4 кило-метр узоқликда жойлашган.

Табиий газ билан таъминланган.

Аҳоли ёрдами билан 100 фоиз ичимлик сув масаласи ҳал қилинди, қабристон ободонлаштирилди, йўлларнинг 1 километр қисмига бетон ётқизилди. Бироқ ечимини кутаётган масалалар ҳам кам эмас.

Мисол учун, бундан йигирма йил олдин ийғиндаги эски симёғочлар алмаштирилиши айтилганди. Бироқ орадан мана шунча йил ўтдики, ҳамон бу ишлар бажарилмаган. Қолаверса, трансформаторлар ҳам талабга жавоб бермайди. Кучланиш ортган пайтлар ташлаб юборади. Шунингдек, мактабгача таълим ташклоти фаолияти ҳам талабга жавоб бермайди. Мактабимиз керакли жиҳозлар билан таъминланмаган. Бу, ўз навбатида, таълим сифатига ҳам таъсир қилмасдан қолмаяпти. Маҳалламиз ўз би-

носига эга эмас. Неча йиллардан бери ҳудуддаги масжид биносида фаолият юритамиз. Боз устига, моддий-техник базамиз йўқ. Аҳоли билан ишлаш, иш самарадорлигини оширишда бу жиҳатлар панд бермоқда. Қолаверса, маҳаллада тиббий рунктга эҳтиёж бор. Ҳозирда аҳоли 7,5 километр узоқликдаги тиббий пунктга қатнашга мажбур. Қишининг изғирин, ёзинг жазирама чилласида ҳомиладор аёллар, нуронийларнинг урга бориб келишини тасаввур қиласверинг энди...

Юқоридаги масалалар бўйича мурожаат қилмаган жойимиз қолмади. Бироқ ҳар гал ваъда беришади, ҳар йилги дастурларга киритилиши айтилади, натижадан эса дарак йўқ. Аҳоли биздан юқоридаги масалалар ечимини сўрайди, қандай жавоб беришни билмайсиз, масъулларнинг муносабати эса факт қуруқ ваъдадан нарига ўтмайди.

Нурмуҳаммад ҲАМИДОВ,  
Сариосиё туманидаги «Янгиҳаёт» маҳалла фуқаролар йиғини раиси.

## Елим халтанинг нимаси ёмон?

Дарвоқе, елим пакетларга биринчи тақиқ 2002 йилда Бангладешда жорий қилинган. Бу давлатда шаҳарлар канализациясини халталар ёпиб қўйгани туфайли сув тошқини юзага келган ва минглаб одамлар ҳалок бўлган. Европа Иттифоқи давлатларида бир марта ишлатиладиган пластик товарлар-пакетлар, найчалар ва бошқа маҳсулотлардан фойдаланиши тўлиқ тақиқлаш 2010 йилда маъқулланди.

## Қарор ижроси қачон таъминланади?

Дарҳақиқат, юқоридаги қарор кучга кирганига З йилдан ошди. Аммо қора пакетлар савдоси мамлакатимиз ҳудудларида ҳамон жиддий чеклангани йўқ. Бунга исталган бозор ҳудудида гувоҳ бўлиш мумкин. Янги қоидага фақат йирик савдо марказлари — «супермаркет»лардагина амал қилинмоқда. Масалан, шахримизнинг барча туманларидағи савдо-қўнгилочар марказларида товарлар целофан пакетларга солиб берилганида, ҳарид чекида пакет нархи алоҳида кўрсатиб ўтилади.

Бу каби ташаббусни республикамизда фаолият юритаётган барча йирик савдо марказларида кузатиш мумкин. Савол туғилади: бозорлар, кичик савдо шоҳбчаларида қачон қоидага амал қилинади? Мазкур ҳолатлар мамлакатимиз Вазирлар Маҳкамаси томонидан 2003 йил 13 февралда тасдиқланган «Ўзбекистон Республикасида чакана савдо қоидалари»га ҳам зид бўлиб, сотувчи, тадбиркор, мансабдор шахслар тегишли равишда жавобгарликка тортилиши лозимлигини эслатиб ўтмоқчимиз. Бундан ташқари, Президентимизнинг юқоридаги қарори ижросини назорат қилиш қатор мансабдор шахслар ва Экология

ва атроф-муҳитни муҳофаза қилиш давлат кўмитаси раиси зимасига юклатилган.

Тадқиқотларга кўра, пластик пакетлар нафақат глобал экологик муаммоларни келтириб чиқармоқда, балки энергетика ресурслари бехуда сарфланишига ҳам сабаб бўлмоқда. Мисол учун, Хитойда полимер пакетлар ишлаб чиқарилиши ва фойдаланиши тақиқлангач, 1,6 миллион тонна нефть тежаб қолинган. Бутун дунё пластик пакетларга қарши кураш кампаниясини ишга туширди. МДХ мамлакатларида ҳам пластик муаммосини ҳал этишга қаратилган чора-тадбирлар кўрилмоқда. Қозогистон Ўзбекистон сингари аввалига полимер пакетларни бепул тарқатиш амалиётидан воз кечиб, сўнгра уни ишлаб чиқаришини буткул тўхтатишини режалаштирган.

Тоҷикистонда эса мамлакат табиатни муҳофаза қилиш органлари вакиллари рўзгорда полимер пакетлардан фойдаланишдан воз кечишни таклиф қилишмоқда.

Биз эса ҳали қабул қилинган қарор ва бошқа ҳуқуқий ҳужжатлар ижросини ҳам тўла таъминлай олмаяпмиз. Умид қилалими, масъул шахслар қарор ижросини таъминлашга жиддий эътибор қаратади.

Шерали  
ҚИРҒИЗБОЕВ.

# ОЛТИ ОЙДА 954 ТА ЎЛИМ: ҚАЧОНГАЧА ҲОДИСАЛАР ҲАЛОКАТЛИ БЎЛАДИ?

**Жорий йилнинг**  
ўтган олти ойи  
мобайнида респуб-  
лика бўйича жами 3  
минг 753 та йўл-  
транспорт ҳодисаси  
(ЙТҲ) содир этилган  
бўлиб, бунинг нати-  
жасида 954 нафар  
фуқаро ҳалок бўл-  
ган ва 3 минг 170  
нафар фуқаро турли  
даражадаги тан  
жароҳатлари олган.  
Умумий ЙТҲларнинг  
асосий қисми, яъни  
қарийб 28 фоизи  
ҳайдовчилар томо-  
нидан белгиланган  
тезлик меъёрларини  
бузиш оқибатида  
келиб чиқсан.

Аввалорқ ўзбекистонда 2021 йилнинг дастлабки беш ойи ичида содир бўлган ЙТҲлар оқибатида 770 киши ҳалок бўлгани айтилганди. Шундан келиб чиқадики, июнь ойининг ўзида мамлакатда 184 киши ЙТҲ қурбонига айланган. Нақадар даҳшатли, шу билан бирга, ташвишланарли ракамлар... Шундай эмасми? ЙТҲларни келтириб чиқараётган сабаблар, ўзига хос омиллар, уларни бартараф этиш чора-лари ҳақида ҳар қанча айтилмасин, ҳар қанча таклиф билдирилмасин, «авариялар», ўлимлар сони ортас-ортятпаки, камаймаяпти. Нега?

## Жаримага тортмаслик тартибини бекор қилиш керак

Жаҳон соғлиқни сақлаш ташкилоти Ўзбекистонда алкоголь ичиб рулга ўтиришни чекловчи қонунлар етарили эмас, деб топган. Бундан ташқари, тезликни оширганлик, хавфсизлик камарини тақмаганлар ва болалар учун махсус ўриндикларни талаб қилиш борасида қонунчилик ҳалқаро талабларга жавоб бермаслиги айтилади.

Юқорида айтилганидек, энг кўп ЙТҲ тезликни ошириш оқибатида содир бўлмоқда. Кўриниб турибдики, агар бу жуда қатъий жазоланмаса, ҳайдовчилар йўл ҳаракати қоидаларини оммавий равишда бузишни бошлайдилар. ЙТҲлар сонини камайтириш учун тезликни пасайтириш



керак, қоидабузарларни эса шунчалик катта жаримага тортиш керакки, уларда тезликни ошириш истаги тамоман сўнсин. Мисол учун, энг қатъий тизим Финляндияда ишлайди. У ерда жарима миқдори даромадга боғлиқ. Кимгadir тезликни ошириш 400 еврого тушса, кимдир 10 минг евро тўлайди.

Ижтимоий аҳамиятга эга бўлган жойларда – мактаблар, шифохоналар ва бошқа одамлар кўп келадиган мусасалалар жойлашган худудларда ҳаракатланиш тезлигини 30 км./соатга пасайтириш керак. Масалан, бундай жойларда тезликни ошириш нокулай бўлиши учун сунъий йўл тўсиқларини ўрнатиш мумкин. Аммо бу худудларда ҳам тезликни ошириш жарималар билан жазоланиши керак. Шаҳар ичидаги энг мақбул тезлик соатига 50 км.дан ошмайди. Шунингдек, белгиланган тезликдан 5 км./с. ошганда, жаримага тортмаслик тартибини бекор қилиш керак. Бундай тартиб умуман бўлмаслиги лозим. Аввалимбор, йўлларда тезлик чегараси машиналар учун рухсат этилган «энг юқори тезлик» сифа-

тида эмас, балки барча автомобиллар тахминан бир хил тезлиқда ҳаракатланиши учун ўрнатилган.

## Йўллар кўпроқ машиналар учун кулай қилиб қурилганми?

Ўзбекистонда содир бўлаётган ЙТҲларнинг ўзига хос жиҳати шундаки, унда пиёдалар иштироки кўп. Кузатувчилар бу ҳолатни пиёдалар йўлларда ҳимояланмагани, йўлларнинг пиёдалардан кўра, кўпроқ машиналар учун қулай қилиб қурилгани билан изоҳлашади. Шу ўринда ЙТҲлар бўйича ўзига хос ижобий ютуқларга эга Буюк Британия тажрибасига тўхтатиб ўтсак.

Ўзбекистон ва Британия йўлларида асосий фарқ – у ерда радар ушлаб турган ёки йўлга чиқиб, машина тўхтатаётган полиция ходимларини деярли кўрмайсиз. Бироқ ўрнатилган камералар ва йўлларнинг махсус жиҳозлангани ҳаракатни полиция эмас, бошқа омиллар назорат қилишига олиб келганини кўриш мумкин. Қолаверса, шаҳар ёки аҳоли зич яшовчи пунктларда хавфсизликни таъминлаш учун йўлларга махсус бўртиқлар ёки сунъий йўл нотекислиги ётқизилади. Бу бўртиқлар ҳайдовчини тезликни туширишга мажбурлайди.

Бундай оролчани пиёдалар ўтиш йўлагида ҳам кўришингиз мумкин. Улар махсус ёритилади ва у ерда доим ёниб-ўчиб ту-

рувчи сариқ чироқ бўлади. Агар тротуарларда қурилиш ёки таъмирлаш ишлари бошланадиган бўлса, пиёдаларнинг хавфсизлигини таъминлаш учун йўлак махсус ўраб олинади ёки бутунлай ёпилиб ёнидан қўшимча вактингчалик тротуар қурилади.

Фаоллар шаҳарларни кўпроқ машиналар учун эмас, балки одамлар учун мослаштиришни мунтазам равишда талаб қилиб келади. Ҳозирча Ўзбекистонда йўлларда бундай чоралар кўрилмаган.

Мутахассислар Ўзбекистонда «полосалар» жуда кенглигина айтишади – 3,75 метр. Мисол учун, Германияда бу каби йўл кенглиги 130 км./соат тезлик рухсат этилган автобанларда қўлланилади. Агар биз шаҳарда тезликни 50 км./соатга пасайтироқчи бўлсак, у ҳолда «полосалар» кенглиги 3 метрдан ошмаслиги керак, ҳатто 2,75 метр ҳам бўлиши мумкин. Тўғри, бу йўлдан юк машинаси ўтолмайди, лекин шаҳарда юк машиналари алоҳида йўлларда ҳаракатланиши керак.

– Бир йўналишда иккитадан ортиқ ҳаракатланиш бўлаги («полоса») бўлган йўлларда тартибга солинмаган пиёдалар ўтиш жойлари ташкил этилмаслиги керак,

– дейди Транспорт вазирлиги Транспорт ва логистикани ривожлантириш муаммолари тадқиқот маркази директори Мурод Абидов.

– Масалан, аксарият шаҳар йўлларида ҳар бир томонга учтадан ҳаракатланиш бўлаги бор. «Полоса»ларнинг кенглиги 3,5-4 метргача етади. Йўлни кесиб ўтмоқчи бўлган киши тартибга солинмаган пиёдалар ўтиш жойи бўйлаб 20 метрдан ортиқ масофани босиб ўтиши керак. У ҳеч қаерда тўхтай ҳам олмайди, чунки хавф-

сизлик оролчаси йўқ. Қолаверса, 3,75 метр – «манёвр» қилиш учун имконият. «Манёвр» қилиш учун жой йўқлиги автоҳалокат эҳтимолини автоматик равишда камайтиради.

## Яна қандай сабаблар бор?

Одатда, четдаги ўнг «полоса» жамоат транспорти учун мўлжалланган, аммо ҳамма ундан тўхташ жойи сифатида фойдалана-ди. Йўл чизиклари ва йўл белгиларининг йўқлиги ҳам йўл ҳаракати хавфсизлигига салбий таъсир қиласи. Чизиқсиз йўл ҳайдовчини ўзи учун қулай бўлган ҳар қандай позицияни эгаллашга ундейди. Биз кераксиз вазиятларда ҳам кўп маротаба қайта тизилишлар («полоса»ни ўзгартириш) гувоҳи бўлиб турибмиз.

**Шаҳар светофорлари тўғри бошқарилиши керак.** Бу улар бир-бирига боғланган бўлиши ва тўғри созланган бўлиши ке-раклигини англатади. Эрталабги, тушки ва кечки режимлар бир-биридан фарқ қилиши керак, чунки оқим шакли кун давомида ўзгариб туради. Ҳозир барча светофорлар бир хил режимда ишлайди ва бир-бирлари билан умуман боғлиқ эмас. Бу эса биз йўлларда гувоҳи бўлаётган ҳодисаларнинг сабабларидан биридир.

Идеал ҳолатда, светофорлар шаҳар бўйлаб чизикли обьектга мувофиқлаштирилиши керак. Барча шаҳарлар бунга интилишади. Одатда, светофорларни мувофиқлаштириш учун фақат йўл назоратчисини алмаштириш ҳамда муҳандислар ва дастурчиларнинг иши талаб қилинади. Бу янги асфальт ётқизиш ёки чорраҳани кенгайтиришдан кўра арzonрок ва тезроқ. Аммо бу жуда самарали.

**С.ИСМАТОВ.**



Аввалроқ газетамиз ва телеграм каналимизда банкоматлар мавзуси, жумладан, улар орқали пул ечишда фоизларнинг баландлиги, бу эса қатор ноқулайликлар келтириб чиқараётгани, уни қандай тартибиа келтириш бўйича мулоҳазалар билдирилган эди. Шундан сўнг кўпгина юртдошларимиз банкоматлар билан боғлиқ бошқа масалаларда ҳам мурожаат қилиши.

### Нега курс икки хил?


Айни пайтда ахоли гавжум жойларда тижорат банклари томонидан исталган валютани айирбошлиш учун кўпфункционал банкоматлар ўрнатилган. Дарҳакиқат, бу жуда қувонарли. Лекин танганинг иккинчи томони ҳам борки, ана шу банкоматлар ва айирбошлиш шоҳобасидаги сотиб олиш курси ўртасидаги фарқ ахолини банкоматлардан эмас, шоҳобалардан фойдаланишга мажбур қилмоқда. Чунки курс банкоматда, дейлик, 10500 сўм бўлса, айирбошлиш шоҳобасида 10550 сўмни ташкил қиласди.

Ваҳоланки, ҳозирги пандемия шароитида банк биносида жойлашган турнақатор навбатларни йўқотиш учун биргина курснинг тафовутини йўқотиш етари. Қолаверса, курснинг бир хил бўлиши банкларнинг иш самарадорлиги ошишига ҳам хизмат қиласди. Зоро, банкоматлар 24/7 режимида фаолият юритади, улар учун байрам кун-

ларининг фарқи йўқ. Фақатгина банкомат маблағ билан тўлдириб қўйилса бўлгани. Хўш, шундай шароитда нега банкоматлар ва айирбошлиш шоҳобасидаги курс икки хил?

— Албатта, бозор шароитида ва амалдаги ҳолатга кўра, ҳар бир банк барча хизматларга нарх ва фоизларни мустақил белгилайди, — **дэйди таникли иқтисодчи Отабек Бакиров.** — Минтақа, талаб ва таклиф, технологик имкониятлар бунда мухим ўринга эга. Масалан, илгор банклар иловаси орқали долларни айирбошлиш шоҳобасидан кўра қимматроқ олиб, арzonроқ сотади ёки бўлмаса, вилоятлар кесими бўйича ўзгарувчанлик шароитида курслар фарқланади. Масалан, Кўйкон ва Тошкентда сотиб олиш ҳажми юкори, иқтисодиёти пул ўтказмаларига боғлиқ вилоятларда эса сотиш ҳажми баланд. Курслар ҳам шунга мувофиқ.

Қолаверса, ҳозирги кунда энг кичик банкнота 1000 сўмлик. Шу ҳолатда банкоматларда сотиб олиш



курсларини яхлит белгилашдан бошқа илож қолмайди. Масалан, банкоматда сотиб олиш курси 10570 сўм этиб белгиланса, 10 доллар учун мижозга 105 700 сўм бериш керак. 700 сўмни мижозга ҳандай бериш мумкин? Фойдаланилаётган банкоматлар техник имконияти тангалар билан ишлашга йўл бермайди. Шунинг учун баъзида айирбошлиш шоҳобаси ва банкоматлар курси ўртасидаги фарқ 100 сўмгача етиб қолади.

Масъулларнинг фикрича, курснинг икки хил кўринишга эга экани банкоматлар эскирган ва қисман шикастланган банкоталарни қабул қилиши мумкинлиги билан ҳам боғлиқ. Масалан, айирбошлиш шоҳоб-

часида валютанинг эскирган ёки шикастланганига қараб 2 фоиздан 20 фоизгача комиссия белгиланиши мумкин. Банкоматда эса бундай субъектив қарор қабул қилишга сезирлик даражаси баланд эмас. Табиийки, банклар эскирганлик ва шикастланган купюралар эҳтимолий вазнини банкомат учун курс белгилашда инобатга олмаслиги мумкин эмас. Ахир сотиб олинган эскирган ёки шикастланган валюта купюраларини чакана сотиши имкониз, тижорат банклари уларни фақат маҳсус битимлар орқали янгисига фақат комиссия тўлабгина алиштира олади.

Албатта, юқоридағи фикрлар ўринлидир. Бироқ орадаги

фарқ кичикроқ сумма бўлса-да, бу каттароқ қийматдаги маблағни айирбошлишда сезиларли даражада ортиб кетади. Оқибатда яна банклар ичидаги шоҳобчаларда турнақатор навбатлар, асабузарликлар пайдо бўлаверади.

### Банкомат ҳам «дам оладими?»

Юқорида банкоматлар 24/7 режимида фаолият юритиши ва исталган вақтда керакли маблағни айирбошлиш мумкинлиги ҳақида фикр билдирилди. Шундай деймизу, бироқ кейинги пайтларда кўпгина жойларда, ҳатто пойтхатнинг ўзида ҳам уларнинг ишламаётгани билан боғлиқ ҳолатлар кузатилмоқда. Аксариятида ҳали туш бўлмасдан пул тугайди, бошқалари профилактика сабаб ўчириб қўйилади. Яна айримлари эса электр токидан «бебаҳра». Шундай банкоматлар ҳам борки, ўрнатилганига 2-3 ҳафта бўлсада, ҳали тизимга уланмаган, ҳатто ўрамидан очиб ҳам қўйилмаган.

Ўтган сафарги мақолада банкоматлардан нақд пул ечишда 1 фоиз комиссия олиб қолинаётгани танқид қилинганида, кўпгина банк масъуллари буни банкомат харажатлари — интернет, техник таъминот, назорат қилиш, электр энергияси каби сарфларни қоплаш учун ишлатилишини айтишганди. Хўп шундай экан, нега унда банкоматлар ишламаётпти? Одамлардан олиб қолинаётган фоизлар нега уларга енгиллик яратиш учун сарфланмаяпти?

— Яқинда кундалик харажатларим учун картамдаги маблағни нақдлаштириб олмоқчи бўлдим, — **дэйди журналист Азиза Курбонова.** — Дастрлаб маҳалламиз бошидаги банкоматда тўхтадик,

ишламаётпти. Сўнгра Учтепа туманидаги «Ипотекабанк» филиалда бордик. Кирсан, филиал қоп-коронги. Одамлар кўп. «Свет» йўқ. Банкомат пешонасига эса аввалдан «профилактика» деб ёзид қўйилган. Кейин яна шу худуддаги «Ориент финанс банк», «Ипак йўли банк», «Капитал-банк» банкоматлари бордим, ҳеч бири ишламаётпти. Беш хил банкнинг бешта банкомати ишламаётгани тасодифми ё систематик-техник носозлими?

Ёки бу «омадсизлик синдромими? Тўғри, беш йил олдин шу банкоматлар ҳам йўқ эди. «Олдинлари 20 фоизга ҳам картани ечдириб, нақдлаштирадинг, шунга шукр қил», деса тўғри-ю, лекин яна савол: энди олдинга силжиш бўладими? Фоизлар камайиб, рақобат кучайиб, сервис сифати яхшиланадими? Турли банкларга тегишли банкоматларнинг ёппасига ишламай қолишига сабаб нима ўзи?

Биз-ку, биттагина Тошкент шаҳридаги манзарани баён қилияпмиз. Исталган тумандаги исталган банкка боринг, охири йўқ навбатларга кўзингиз тушади. Банкларда банкомат етишмайди, борлари ҳам ё ишламайди, ё пули тугаган, ёки бўлмаса, «свет» йўқ. «Шароит яратиш учун» деб ушлаб қолинаётган фоизлар ҳақиқатда шунга хизмат қилсин-да... Нақд пулсиз хисоб-китоблар тизимини ривожлантиришга керагидан кўп инфратузилма яратилди. Минг афсуски, инсон омили иштирок этар экан, масъулнинг сизлигидан қабул қилиши кечирилди. Мисоли, инсон омили иштирок этар экан, масъулнинг сизлигидан қабул қилиши кечирилди.

Исталган тумандаги исталган банкка боринг, охири йўқ навбатларга кўзингиз тушади. Банкларда банкомат етишмайди, борлари ҳам ё ишламайди, ё пули тугаган, ёки бўлмаса, «свет» йўқ. «Шароит яратиш учун» деб ушлаб қолинаётган фоизлар ҳақиқатда шунга хизмат қилсин-да... Нақд пулсиз хисоб-китоблар тизимини ривожлантиришга керагидан кўп инфратузилма яратилди. Минг афсуски, инсон омили иштирок этар экан, масъулнинг сизлигидан қабул қилиши кечирилди.

— Яқинда кундалик харажатларим учун картамдаги маблағни нақдлаштириб олмоқчи бўлдим, — **дэйди журналист Азиза Курбонова.** — Дастрлаб маҳалламиз бошидаги банкоматда тўхтадик,

### РАИС СЎЗ СЎРАЙДИ

## «ЭСКИНИ ЯМАГУНЧА — ЭСИНГ КЕТАДИ»

Маҳалламиз худуддаги намунали маҳаллалардан. Одамлар, асосан, дехқончилик ва чорвачилик хисобига кун кўради.

Маҳаллада асосий муаммо — сув билан боғлиқ. Бу йилги ёмғирсиз мавсумлар туфайли дехқончилик хавф остида қолди. Қолаверса, каналнинг охирги «қулоғи» бўлганимиз учун бу йил сув бизгача етиб келиши қийин бўляти.

Ичимлик сув маҳаллага эски қувурлар орқали келган, уни таъмирлаш керак. Қишида, ёзингиз жазирамасида айрим ҳолларда қувурлар тешилиб, сув исроф бўлади. Ҳудудий дастурлар

доирасида қувурни алмаштириш лозим. Бу бўйича мурожаатлар қилганимиз, жавобини кутялмиз. Бандлик масаласи ҳам жиддий муаммолардан. Ҳозирги кунда бандликни таъминлаш учун тикув цехи, бетон ишлаб чиқариш корхонаси ташкил этилмоқда. Тикув цехида маҳалламиз аёлларининг ишлаши ташкил этилади.

Бетон цехи ишга тушса, ҳам одамлар ишли бўлади, ҳам маҳалладаги эски симёочларни

алмаштириш имконияти яратилади. Зоро, неча йиллардан буён қўлбола ясалган симёочлар хизмат кўрсатмоқда. «Эскини ямагунча — эсинг кетади», деганларидек, ҳар йили улар кўздан кечирилса-да, барибир хавфли ҳолатга келиб қолган.

**Сайдмурод АННАМАТОВ, Қизириқ туманидаги «Қорасув» маҳалла фуқаролар йигини раиси.**

Содик АБДУРАСУЛОВ.

2021 йил 13 июль куни, соат 22.00 да  
Наманган вилояти ҳокимлиги томонидан  
«Обод қишлоқ» ва «Обод маҳалла» дас-  
турлари ижроси ҳамда Мустақиллик бай-  
рамига тайёргарлик масалалари бўйича  
мажлис чақирилган.

## МАЖЛИСБОЗЛИК ҚОНИМИЗГА СИНГИБ КЕТГАНМИ?

**8 июль куни, соат**

**06.30 да** Андижон  
вилояти ҳокимли-  
ги ташаббуси билан  
«ZOOM» платформа-  
си орқали таққидий  
йиғилиш ўтказилган.

**15 июня, тонгги соат**  
**05.00 да** эса Сурхон-  
дарё вилояти ҳокимли-  
ги томонидан тақорорий  
экин масалаларига  
багишланган мажлис  
ташкил этилгани хабар  
қилинганди.

Афсуски, аксарият  
холларда раҳбарлар  
аҳоли кутаётган ҳаё-  
тий муаммоларни ҳал  
қилиш ўрнига керак-  
сиз қоғозбозлик ва  
натижасиз мажлислар  
ўтказиш билан овора  
бўлиб қолаётир. Ҳеч  
қандай натижка бер-  
майдиган мажлислар  
ходимларнинг фойда-  
ли ишга сарфланажак  
қанчалаб вақтини  
ўғирлаётгани, ортиқча  
харажатлар, асаб-  
бузарликлар, ишchan  
мехнат кайфиятининг  
пасайиши, ташаббус-  
корликнинг ўқоли-  
шига сабаб бўлаётга-  
ни ҳам бор гап.

### «Мажлис кўп бўлса, ишлиётганимиз кўринади»

Ҳайрон қоласан  
киши, раҳбарларга  
«ийилиш қилма, маж-  
лис ўтказаверма», деб  
шунча танбеҳ, шунча  
дакки бериляпти. Ле-  
кин нега улар қўрк-  
май билгандарини  
қилишяпти? Ҳали-ҳа-  
мон баъзи раҳбарлар:  
**«Қанча кўп мажлис  
ўтказиб, топшириқ  
берсак, шунча яхши  
ишлиётганимиз  
кўринади»**, деган  
нотўғри тушунчага эга  
бўлиб қолаётгани эса  
ачинарлидир. Прези-  
дент ҳам, Бosh вазир  
ҳам мажлисбозликни  
камайтириш ҳақида  
бир неча бор та-  
рорлаганидан кейин  
ҳам бу ишлар давом  
этайтганини қандай  
тушуниш мумкин?  
Қолаверса, ийилиш  
ўтказиш учун Бosh  
вазирдан рухсат олиш  
керак, дейилган. Хўш,

юқоридаги ҳолатлар-  
да йиғилиш ўтказишга  
руҳсат берилганми?

— Мажлисбозлик  
— анча жиддий муам-  
мо, бунга социологик  
тадқиқот ўтказиб, яна  
бир бор амин бўл-  
дик, — дейди Адлия  
вазирлиги ҳузури-  
даги Ҳуқуқий сиёсат  
тадқиқот институ-  
ти бўлим бошлиғи  
**Н.Норбоев**. — Сўров-  
номада ҳудудлардаги  
208 нафар давлат  
ташкilotлари раҳбар-  
лари иштирок этди.

Респондентларнинг  
61,1 фоизи баъзида  
бир кунда ўрта ҳисоб-  
да 2-4 ва ундан ортиқ  
марта мажлисларда  
қатнашишини(!), 62  
фоизи эса мажлислар  
бир-бирига уланиб  
кетишини (!) билди-  
ган. 52,4 фоиз рес-  
пондент иш вақтидан  
ташқари соатларда  
ийилишлар ўткази-  
лаётганини маълум  
қилган. Ҳудудларда  
давлат ташкilotлари  
томонидан дам олиш  
кунларида ийилиш-  
лар ўтказиш амалиёти  
ҳам сақланиб қол-  
моқда. Респондент-  
ларнинг 54,4 фоизи  
(!), яни ярмидан  
кўпи бевосита ўз иш  
фаолияти йўналиши  
билан боғлиқ бўлма-  
ган ийилишларда  
қатнашишга мажбур!  
Ийилишлар мажбу-  
рий характерга эга,  
47,6 фоиз респондент  
мажлисларга вақтида  
келмаган ёки умуман  
қатнашмаганларга  
нисбатан чора кўриш  
амалиёти жорий қи-  
линганини билдириб  
үтишган.

Рақамлардан ҳам  
кўринадики, амалий  
аҳамиятга эга бўлма-  
ган ийилишларга чек  
кўйиш керак: маж-  
лисларда фақатгина  
ташаббускорларнинг  
ўзлари ёки ўзига  
керакли маълумот ол-  
моқчи бўлган ходим-  
лар иштирок этиши  
мақсадга мувофиқ.  
Назаримизда, бунинг  
учун, энг аввало,  
**раҳбарларнинг  
дунёқараши ўзга-**



риши керак. Бусиз  
иложи йўқ. Қолавер-  
са, бу ўринда касаба  
уюшмалари ҳам энди  
«улоқни қўлга олиши»  
зарур. Ахир уни **раҳ-  
барларнинг қош-қо-  
воғига қараб эмас**,  
қонун ҳужжатларида  
ёзилганидек, ишчи-  
хизматчиларнинг ман-  
фаатларини амалда  
химоялай оладиган  
мустақил тузилмага  
айлантириш фурсати  
етмадими?

### Меъёрдан ортиқ мехнат ҳеч кимга фойда бермайди

Муаммо фақат маж-  
лис ўтказиш билан  
чекланмайди. Ходимларни ярим тун-  
гача ишлатиш, ҳатто  
аниқ бир топшириқ  
бўлмаса-да, раҳбар  
уйига кетмагунча иш  
жойида ушлаб туриш  
(аксарият мулозим-  
лар ярим тунгача  
кабинетида қамалиб  
ўтиради, гўё қўли  
бўшамаётгандек),  
якшанба кунлари ҳам  
ишга қақиришдек ил-  
латлар йўқолмаяпти.  
Профессионал давлат  
хизматининг мавжуд  
эмаслиги, давлатнинг  
иктисодиётдаги ўта  
катта иштироки ва  
**«бошлиқга ҳурмат-  
га»** асосланган идора  
маданияти бунинг  
асосий сабабларидир.

**Бироқ бу билан  
самарадорликка  
эришиш мумкинми?**  
Албатта, йўқ. Орада  
мехнат қонунчилиги  
ижроси бўйича рейд-  
лар ҳам ўтказилди.  
Аммо назорат яна  
ўлда-жўлда қолди.  
Боз устига, рейдлар  
вақтида вазирлик ва  
идоралар ходимлари  
раҳбарлар топшири-  
ти билан чироқларни

ўчириб, иш фаолият-  
ларини ярим тунгача  
давом эттиравериш-  
ганига нима дейсиз...  
Хуллас, ҳозир ҳам-  
маси яна аввалидик,  
бироқ бу билан ҳеч  
кимнинг иши йўқ.  
Мажлисбозлик, қоғоз-  
бозлик давом этаве-  
рар экан, **номимиз  
янгию, тутумимиз  
эскича бўлиб, бир  
жойда депсиниб  
тураверамиз**.

— Ўзбекистон ҳал-  
қаро ҳуқуқ субъекти  
сифатида 1935 йил  
21 июняда Женеведа  
имзоланган «Ишнинг  
давом этиш мудда-  
тини ҳафтасига қирқ  
соатгача қисқартириш  
тўғрисида»ги Кон-  
венцияга, демакки,  
ҳалқаро ҳужжатга  
қўшилган, — дей-  
ди таникли юрист  
**Саидали Муҳтора-  
лиев**. — Ўтган аср-  
нинг 35-йилларида ёқ  
ҳалқаро ҳамжамият  
ҳар бир меҳнаткаш  
инсоннинг темирдан  
ясалмаганини эъти-  
роф этган. Ҳафтасига  
40 соатлик иш вақти-  
ни ҳар бир меҳнаткаш  
учун норма сифатида  
қабул қилган. Ундан  
ортиғи иш берувчи  
учун ҳам, ходим учун  
ҳам зарар ва самара-  
сиз эканлиги тўғриси-  
да хулоса қилинган.  
Ходим қанчадир давр  
мобайнида бу норма-  
дан ортиқ вақт ишла-  
ши мумкинди, лекин  
узлуксиз, иш вақти-  
дан ортиқча зўриқиб  
ишлаш кейинчалик  
ундаги жисмоний  
имкониятни, шижаот  
ва ғайратни ҳамда  
ишга бўлган меҳрни  
сўндиради, ходим ўз  
ишидан тобора совиб  
қолади. Ишдан кейин  
3-4 соат қолиб минг  
ишиласин, барибир  
ўша нормал 8 соатлик

иш вақтидаги барака  
бўлмайди.

Амалдаги Мехнат  
кодекси бўйича хо-  
димларни дам олиш  
кунларида ишлатиш  
тақиқланади. Бироқ  
айнан шу кодексда  
ишлатиш тақиқлани-  
ши ёзилган модданинг  
давомида иш берувчи-  
нинг фармойиши бў-  
йича айрим ходимлар-  
ни дам олиш кунлари  
ишга жалб этишга  
aloҳида ҳолларда-  
гина йўл қўйилиши  
ёзилган. Кодексда  
ушбу aloҳида ҳоллар  
нималардан иборат  
экани, раҳбарларнинг  
ийилишлар ўтказиши  
бундай истисноларга  
кириши ҳақида ҳеч  
нарса дейилмаган.

### Нега валломатлар ўртага олиб, сўроқ қилинмайди?

Мутахассислар-  
нинг фикрича, давлат  
идораларида меҳнат  
қонунчилигининг  
нормалари ва ҳуқу-  
матнинг тақиқи иш  
бермаётганига бир  
нечта сабаблар бор.  
Жумладан, мамла-  
катда **меритократия  
(таниш-билиш эмас,  
қобилият) асосида**  
**шаклланган про-  
фессионал давлат  
хизмати йўқ**. Си-  
фатли ва самарадор  
давлат аппаратининг  
шаклланшига ҳу-  
қуқий асос яратиши  
мумкин бўлган «Дав-  
лат хизмати тўғриси-  
да»ги қонун турли са-  
бабларга кўра қабул  
қилинмаяпти. Қола-  
верса, давлатнинг  
иктисодиётдаги ишти-

### ДАРВОҶЕ...

АҚШнинг «SUNY» тиббиёт  
университети олимлари тадқиқот  
ўтказиб, мажлислар инсоннинг  
муаммога ечим излаш кўникмаси-  
ни, яъни фаолият самарадорлиги-  
ни тушириб юборишини аниқлаш-  
ди. Ҳадеб мажлисларга қатнайди-  
ган инсонларнинг фикрлаш до-  
ралари торайиб, ташаббускорлик  
шаштлари пасаяр экан. Бу инсон-  
лардаги тушкунлик, умидсизлик  
даражаси ошиб кетади.

роқини кескин камай-  
тириш керак, шунда  
балки прокурорлар  
ҳам фермерларга  
ерни қачон суғориб,  
унга қачон кимёвий  
препарат сепиш каби  
масалаларда йўл-йў-  
риқ берадиган селек-  
тордан қутилиб, одам  
каби дам олар, бошқа  
мулозимларга ҳам юк-  
лама камаярмиди.

Мулозим карье-  
радан ташқари, ўз  
ишидан маъно топи-  
ши лозим, жамоат  
учун манфаатли иш  
қилаётганини хис  
этиши керак. Демак,  
профессионал давлат  
хизматини тузиш-  
нинг ўзи етмас экан.  
Шунга муносиб **идо-  
ра маданияти ҳам  
шаклланishi керак**.  
Лекин бу муайян вақт  
талаб этгани учун  
Ўзбекистонда яқин  
орада минглаб мулоз-  
имлар дам олишсиз  
ишлишда давом эти-  
шини тахмин қилиш  
мумкин.

**Бироқ бу ўринда  
бир нарса қизик:**  
нима учун депутатлар,  
сенаторлар ярим ке-  
часи, дам олиш куни  
мажлис ўтказадиган  
валломатларни ўртага  
олиб, сўроқ қилмайди?  
Нега бу масалани  
назоратга олмайди?  
Ахир, бу ҳам катта  
дардимиз-ку. Қисқаси,  
бу масалада кескин-  
роқ чора, жудаям кес-  
кин чора қўлладиган  
фурсат етди, назари-  
мизда. Йўқса, улар  
учун **Мехнат кодек-  
си ҳам, берилаётган  
даккилар ҳам бир  
тийин бўлиб қола-  
веради**.

С.ИБРОҲИМОВ.

# АНИҚ МАНЗИЛЛАР РЕЕСТРИСИЗ ЗАМОНАВИЙ ЖАМИЯТ ҚУРИБ БҮЛМАЙДИ

Жорий йилнинг шу давригача Бош вазир қабулхоналарига тадбиркорлардан 37 минг 379 та мурожаат келиб тушган. Улар, асосан, кредит олиш, электр энергияси ва газ таъминоти, экспорт ва импортда юзага келәётган масалалар, эркин иқтисодий зоналардаги коммуникация тизимларини янада тақомиллаштириш билан боғлиқ.

Бугунги дунёда манзиллар билан боғлиқ муаммолар ўта жиддий масалалар сирасига киради. Зеро, почтадан тортиб, спутник JPS хизматлари гача ана шу кўрсатилган адресларга асосланиб ишлайди. Шаҳарлар, қишлоқлар, ва ҳатто бутун мамлакат — бу кўчалар, бинолар, боғлар ва бошқа обьектлардан ташкил топган мураккаб тизимдир. Керакли жойни топиш, юкларни ўз вақтида етказиб бериш ёки кимдир хавф остида бўлса, унга ёрдам кўрсатишни осонлаштириш учун бу жойларни қандайдир ном билан атash зарур. Бу учун аҳоли пунктларига манзиллар реестри керак. Хўш, мазкур масала мамлакатимизда қай даражада ҳал этилган?

## Аниқ манзил инсон ҳаётини сақлаб қолиши мумкин

Биламизки, чекка қишлоқларда ҳамон манзисиз хонадонлар ва, ҳатто мактаб, боғчалар бор. Аҳоли зич жойлашмаган худудларда буни қисман тушуниш мумкин. Аммо муаммо, ҳатто пойтахтимиз Тошкентда ҳам жиддий тус олган. Айнан шунинг учун шаҳарларга манзиллар керак. Мазкур масалада Рақамли ривожланиш департаменти фаолият олиб боради.

— Рақамли ривожланиш департаменти Тошкент шаҳар ҳокимлиги хузуридаги ташкилот-



дир, — дейди департаментнинг картография ва топонимика бўлими бошлиғи

**Анвар Жабборов.** — Биз шаҳар раҳбариятига аҳоли иштирокида умумий қарорларни қабул қилиш ва одатий жараёнларни ракамлаштиришда ёрдам берувчи воситаларни яратамиз. 2020 йилда биз Тошкент манзилларининг онлайн каталогини яратиш устида иш олиб бордик. У коронавирус пандемияси пайтида кўнгиллilarга муҳтож оиласлар учун озиқ-овқат етказиб беришда ёрдам берди. Шунингдек, «Sog'bo'ling» хизматини ишга туширидик, бу эса беморларга пойтахтдаги касалхоналарда COVID-19дан даволаниш сифатини баҳолаш имконини берди. Ҳозирги пайтдаги сўнгги лойиҳамиз Тошкент аҳолисига шаҳардаги муаммолар тўғрисида очиқ гапиришга имкон берувчи «Xalq Nazorati» хизматидир. Умуман олганда, Тошкентни замонавийлаштириш учун бир нечта фойдали хизматларни яратишига муваффақ бўлдик.

Департамент Тошкентдаги манзиллар

билан шунчаки шуғулланмайди. 2020 йил март ойида Президент пойтахтда рақамли технологияларни кенг жорий этиш тўғрисида қарор имзолади. Ушбу ҳужжатга мувофиқ, Рақамли ривожланиш департаменти Тошкент учун ягона манзиллар реестрини ишлаб чиқиши керак.

## Янги қурилишлар манзиллар реестрини чалкаштиряптими?

Мутахассиснинг айтишича, архивларни замонавий хариталар билан таққослаганда, кўплаб муаммолар мавжудлиги аниқланмоқда. Улардан бири — Тошкентда қурилиш ишларининг ўсиш суръати билан боғлиқ.

Мисол учун, биргина 2019 йилда пойтахтда 450 тадан зиёд кўп қаватли уйлар қурилди. 2020 йилда уларнинг сони 140 тадан ортиқ. Янги тураржой бинолари ва бошқа бинолар кўчалар ва мавзеларни ташкил этади. Кўчалар ва мавзелар эса географик обьектлардир. Ҳар бир шундай обьектга ном берилиши, улар экспертизадан

ўтказилиши ва Географик обьектлар номларининг давлат реестрига киритилиши керак.

Бу иш билан Географик обьектларга ном бериш ва уларнинг номларини ўзгартириш бўйича комиссиянинг туман ва шаҳар бўлинмалари шуғулланиши керак. Аммо комиссиядаги жараёнлар тегишли даражада ташкил этилмаган. Бундан ташқари, **Тошкентда ва унинг туманларида географик обьектларнинг ҳисобини тўғри юритиш учун масъул бўлган доимий ишловчи ходим йўқ.** Одатда, бу ишлар билан комиссия худудий бўлинмаларининг котиблари шуғулланади, улар эса қайдларни тўғри юрита олмайди, чунки қайдларни юритиш учун зарурӣ регламент мавжуд эмас.

Географик обьектлар номларининг ҳисоботини юритиш зарур. Зеро, бу географик обьектларга — кўчаларга, тор кўчаларга, боғларга бир аҳоли пунктида айнан бир хил ном берилишининг олдини олади.

Манзиллар ҳисобининг юритилмаслиги сабабли шаҳарда бир хил номдаги кўчалар пайдо бўляпти. **Масалан, Махтумқули кўчаси: шу номдаги кўчанинг бири Шайхонтоҳур туманида, иккинчиси Яшнобод туманида жойлашган.** Шайхонтоҳур туманидаги Совхозная кўчасининг номи 1960 йилда Махтумқули деб

ўзгартирилди. Аммо кеинчалик шу ном бошқа кўчага ҳам берилди.

**Ҳозирда Тошкентда бир хил номдаги 20 дан ортиқ жой ва юзлаб бир хил манзиллар мавжуд.**

Бюджет бўйича ҳам ахвол кўнгилдагидек эмас. Биноларга кўча номи ва ракам белгиларини (кўча пештоқларини) ўрнатиш Ободонлаштириш бош бошқармаси томонидан амалга оширилади. Бошқарма берган маълумотларга кўра, 2020 йилда 30 мингдан ортиқ биноларнинг 18 мингдан зиёдига кўча пештоқлари ўрнатилган. **Ҳозир Тошкентда яна 12 минг 237 та кўча пештоқларини ўрнатиш лозим.** Бунинг учун деярли 430 миллион сўм ажратиш керак. Аммо 2020 йилда кўча пештоқлари учун атиги 14 миллион сўм ажратилди — бу зарур бўлган пул микдоридан 30 баравар кам. Буларнинг барчаси шаҳардаги кўплаб биноларнинг умуман белгисиз қолишига олиб келди.

## Алало қибат...

Юқоридаги каби муаммолар нафақат Тошкентда, балки бутун республикамизда бор. Бу эса юртимизда рақамли технологиялар ривожи ва бошқа қатор соҳаларда муаммоларни келтириб чиқариши мумкин. Демак, масалага жиддий ёндошмоқ лозим.

Шерали ҚИРҒИЗБОЕВ.

## РАИС СЎЗ СЎРАЙДИ

# «МЕҲНАТ МИГРАЦИЯСИ — АСОСИЙ МУАММОМИЗ»

Бугунги кунда маҳалламизды 3 минг нафарга яқин аҳоли истиқомат қиласи. Одамларимизнинг асосий тирикчилиги — дехқончилик ва чорвачиликdan.

Биласиз, Сўх тумани азалдан сабзавотчилик ва боғдорчиликда ном чиқарган. Ҳозирда асаларичилик ривожланиб бормоқда. Худудимиздаги асосий муаммолардан бири, бу — меҳнат миграцияси билан боғлиқ. Ҳозирда 300 нафардан ортиқ фуқаромиз чет

элларда ишлайти. Мигрантларнинг асосий қисми Россия Федерациясида. Муаммони ҳал этиш учун турли усуллардан фойдаланиляпти, барча ҳудудларда бўлгани каби бизда ҳам тадбиркорликни ривожлантириш учун кредитлар ажратиш кенг йўлга қўйилган.

Аммо бу ҳали кам деб ҳисоблаймиз. Биз жуда чекка бир қишлоқмиз. Фарғона, Сўх шаҳарларидан анча олисада, тоғлар орасида жойлашганимиз. Шу боис савдосотик, корхоналар томонидан ишлаб чиқарилган маҳсулотларни катта бозор-

ларга етказиш муаммо саналади. Жорий йилдан ёшлар учун Риштон ва Ёзёвон туманларининг серсув ерларидан ажратишни йўлга қўйдик. Бунинг учун мазкур туманлар ҳокимликлари билан келишуввлар тузилган. Ҳозирча 60 гектар шундай ерлар

бўлиб берилди. Ўйлайманки, бу ҳаракатлар ишсизликнинг ечим топишида мухим роль ўйнайди.

**Зайдидин САЛОҲИДИНОВ,** Сўх туманидаги «Қизилқиёқ» маҳалла фуқаролар ийғини раиси.

Халқимизда ҳаёттый бир ибора бор: қарс иккى қўлдан чиқади. Айниқса, сўнгги вақтларда коммунал хизматларга тўловлар масаласида тез-тез шу ибора ишлатилмоқда: «Фойдаландингми, тўлаб қўй!» Албатта, бугун одамлар тўлов интизомига анча-мунча ўрганди.

# ҚУРУҚ БАЁНОТЛАР

## ЖАМОАТЧИЛИКНИ ЧАРЧАТДИ

Коммунал тўловлар нархи қанча ошиб бормасин, одамлар тўляяпти. Тўламаса, ундириб олинмоқда. Бироқ шунга яраша кўрсатилаётган хизматлар сифати одамлар, тўғрироғи, бугунги кун талабига жавоб беряптими? Ошиб бораётган нархлар аҳоли даромадларига мутаносибми?

### Хизмат кўрсатиш талабга жавоб берадими?

Аҳолини тоза ичимлик сув, электр энергияси, табиий ва суюлтирилган газ, ўйлар, телефон ва интернет алоқаси билан таъминлашни яхшилаш юзасидан аниқ қарор ва кўрсатмалар берилиб, уларнинг ижроси учун маблағлар ажратилмоқда. Зарур ҳолларда хорижий кредитлар жалб қилинмоқда. Аммо «инсон омили» деган тушунча пайдо бўлдик, давлат раҳбарияти томонидан қабул қилинган қарор, фармон каби кўрсатмалар ё тўлиқ бажарилмаяпти ёки унинг моҳияти ўзгартириб юбориляпти. Лекин охир-оқибат реал вазият яхшиланмаяпти, айнан коммунал соҳадан шикоятлар камаймаяпти.

— Йиллар давомида ийғилиб қолган муаммоларни қисқа вақт ичидаги ҳал қилишнинг, айниқса, пандемия ва дунёда кечеётган иқтисодий инқироз даврида имкони йўқлигини тушуниш мумкин, — дейди Олий Мажлис Қонунчилик палатаси депутати Мақсада Ворисова.

— Лекин яширмасдан, ёлғон аралаш-

тирасдан, ҳар хил баҳоналар тўқимасдан ҳақиқий ҳолат ҳақида ахборот бериш шунчалик қийинми? Фикримча, коммунал соҳага масъул мутасаддилар кейинги йилларда реал иш ўрнига, кўпроқ чиройли баҳоналар ўйлаб топишга уста бўлиб кетдилар. «Тизим ўзи эски эди», «маблағ берилмас эди», «ҳали ҳам амаллаб турибмиз», деганга ўхаш куруқ баёнотлар жамоатчиликни чарчатди, эҳтимол, шунинг учун норози кайфиятдаги фикрлар кўпайди.

Баландпарвоз гаплардан ҳеч кимга фойда йўқ, аниқ таклифлар керак. Бугунги ҳолатдан келиб чиқиб, коммунал хизмат турлари бўйича ҳар бир абонент билан ҳуқуқий ҳужжатларга асосланниб, юридик статусга эга бўлган шартномалар тузилиши керак. Шартномада ҳар иккала томоннинг ҳуқуқ ва мажбуриятлари ҳамда шартнома моддалари бузилган ҳолатда кўриладиган чоралар аниқ белгиланиши ва иккала томоннинг манфаатлари ҳимояланиши лозим. Шунингдек, фуқароларга кўрсатиладиган коммунал хизматлар тури, ҳажми, тарифлари қонуний белгиланиши, бунинг учун коммунал хизматлар ва тарифлар тўғрисида қонун қабул қилинishi керак.

Қолаверса, аҳолининг фойдаланган коммунал хизматлари ва тўланган маблағлар ҳақида маълумотлар шаффофлигини таъминлаш, тизимни тўлиқ рақамлаштириш зарур. Аҳолининг



кам даромадли ва ёрдамга муҳтоҷ қатлами учун асослантирилган имтиёзлар тизими-ни шакллантириш керак. Ҳудудларда соҳа фаолиятини ҳалқ депутатлари маҳаллий Кенгашлари назоратига олиш, соҳа раҳбарларининг ҳисобот бериш тизимини йўлга қўйиш тўғри бўлади.

### «Халқ назорати» назорат қила оладими?

Очиғи, ҳар йили одамларнинг уйида, иш жойида чирок ўчади, газ босими пасайиб кетади, масъул ташкилотлар баёнотлари эса деярли ўзгармайди. Демак, энди тизимни ўзгартириш ҳақида ўйлаш вақти келди. Айтиш керакки, бугунгача аҳолининг айни соҳадаги муаммолари қоғоз журналларга қайд этиб келинган. Сўнгра улар тоифаларга бўлиниб, қўлда «Excel» ҳужжатга киритилган. Шундан сўнг, маълумотлар масъул идораларга юборилган.

Ўз навбатида, ҳар бир шаҳар идораси ўз дафтарини юритган. Мисол учун, газ, сув, электр, иссиклик ташкилотлари алоҳида-алоҳида дафтарлар шакллантирган. Натижада ҳамманинг ўз дафтари ва ҳужжатлари мавжуд бўлган. Шундай ҳолатлар кузатилдики, битта масалада иккита ташкилотнинг маълумотлари турлича чиқар, ҳар иккиси масалани ўзларича талқин қилиб маълумот киритарди. Қолаверса, муаммолар

ни қайд этиш, уларнинг ҳал қилинган-қилинмаганини аниқлаш жуда қийин эди. Бутун жараён жуда узок — баъзан бир неча ой давом этган.

— Юқоридаги ҳолатларнинг олдини олиш мақсадида Тошкент шаҳар ҳокимлиги томонидан «Халқ назорати» хизмати ишга туширилди, — дейди лойиҳа раҳбари Ойбек Ниёзов. — Унинг ёрдами билан тошкентликлар йўлларнинг ҳолатидан шикоят қилишлари, бузилган лифт ёки ишламайдиган светофор ҳақида маълум қилишлари мумкин. Биз муаммолар ҳақидаги маълумотларни тегишли идораларга етказимиз ва улар ушбу муаммоларни ҳал қилишади. Тизимда ҳамма нарса осон: ягона маълумотлар базаси, ҳар бир идора учун шахсий кабинетлар, муаммолар онлайн келади, уларни бир-икки марта тугмага босиши орқали кўриш ва ечишганини белгилаш мумкин. Платформанинг ўзи муаммоларни саралайди ва керакли идоранинг шахсий кабинетига йўналтиради. Идоралар муаммоларни унтишдан сақлаб турувчи таймерлар мавжуд. Ва энг муҳими, шикоят муаллифи ўзи тасдиқламагунча, муаммони ҳал қилинган, деб белгилашнинг имкони йўқ.

Хозир сув, газ ёки электр қуввати узилиши тўғрисида огохлантириш тизимини яратиш режалаштирилмоқда. Мисол учун, баъзида «авария»лар содир бўлади ва шу сабабли бирор жода

чироқ ўчади. Одатда, одамлар нима бўлганини ва электр қаҷон тузатилишини билишмайди. Агар улар «Халқ назорати»да рўйхатдан ўтган бўлса ва ҳодиса таъсир қилган уйларда яшашса, огохлантириш тизими бу ҳақда уларга хабар беради. Бундан ташқари, ушбу хизматни нафақат Тошкент аҳолиси, балки мамлакатнинг барча фуқароларига ёрдам берадиган даражада бутун мамлакат бўйлаб миқёсими кенгайтириш режалаштирилган.

### Нархлар хизматга мутаносибми?

Яна бир жиҳат бор — коммунал хизматлар нархлари тез-тез ошиб туради. Айрим ҳолларда бундай вазият йилига иккি марта ҳам кузатилиши мумкин. Бироқ бу қийматлар қаердан келиб чиққани, қандай омил эътиборга олингани доимо номаълум бўлиб келган. Тариф ошиши борасида аҳоли бир ой олдин огохлантирилади. Аслида, огохлантириш хабарида нарх ошиш сабаблари аниқ ва асосли тарзда кўрсатилиши керак эмасми?

Бугунги иқтисодий шароитимиз ва имкониятимизни ҳисобга олсан, нарх ўсиши табиий. Биз ҳам кўркўона тарзда нархни пасайтириш керак, демоқчи эмасмиз. Аҳоли коммунал тўловларни бола-чақаси ризқини қийиб бўлса ҳам, кечикиб бўлса ҳам тўляяпти. Аммо коммунал ташкилотлар

хизматидан одамлар розими? Халқ розилиги учун нималар килиш керак?

**Энг аввало,** иситиши мавсуми бошланиши ва тугашини қайта кўриб чиқиши, иситиши таъминотида ҳароратни об-ҳавога қараб баланслаштирувчи тизимни жорий этиш, марказлашган иситиши тизимидан «якка кўп қаватли уй» ёки «якка хонадон» иситиши тизимига ўтадиган пайт келди. **Қолаверса,** 40 °С дан паст бўлганда иссиқ сув учун тўлов совуқ сув тарифи бўйича амалга оширилиши керак, деган коида амалда ҳам ишлаши керак-да. Ахир жўмракни очиб, иссиқ сув исиши учун қанча сув оқизишинизни ўзингиз бир ҳисоблаг бўринг!

**Шунингдек,** бутун дунёда маиший чиқиндиларни олиб кетиш нархи одам сонига эмас, чиқариладиган чиқинди массасига қараб белгиланган. Бизда-чи, прописка бўйича «мусор» чиқарасизми-йўқми, барчага бир хил. Чиқиндилар эса ҳафталаబ «дом» атрофига ноxуш ис таратиб тураверади. **Бундан ташқари,** уйжой ширкатлари хизмати (сифати ҳақида гапириш эрта) билан боғлиқ муаммолар алоҳида мавзу. Сўнгги йилларда ширкатларга тўлов нархи қарийб иккি баробарга ошиб кетишида уларнинг баҳарилмаган ишга пул ёзиши, арзимас ишга осмон нарх қўйиши ҳам сабаб бўлмоқда.

Хулоса шуки, коммунал соҳа раҳбарлари факат қарздорликни ундириш билан эмас, аҳолига кўрсатиладиган хизматлар сифатини яхшилаш борасида ҳам ўйлаб кўришса, яхши бўлар эди. Майли, нархлар босқичмабосқич ошиб борсин. Аммо пулига яраша сифат ҳам ошсин-да.

**Иброҳим ПЎЛАТОВ.**

### ЭЪЛОН

Корабаев Ахроржон Артиқбаевичга 1987 йилда Тошкент шаҳри Миробод туманиндан 213-умумтъалим мактаби томонидан берилган А №364770 (рўйхат рақами 262) рақамли атtestat йўқолганлиги сабабли **БЕКОР ҚИЛИНАДИ.**

# ҚИШЛОҚ ХҮЖАЛИГИДА ЭСКИЧА УСУЛЛАРДАН ВОЗ КЕЧА ОЛМАЯПМИЗ

Ўзбекистон қишлоқ хўжалиги соҳасидаги муаммолардан бири – экин ерларида тупроқнинг ҳаддан зиёд кимёлаштирилишидир. Ривожланган мамлакатларда ўсимликларни кимёлаштиришга эмас, табиий усуllibарда етиштиришга кўпроқ аҳамият қарати-ла бошлаган. Яъни тупроқдаги фойдали бактериялар тўплаб олинади ва улар қайта ишланиб, ўсимлик танасига юборилади.

Мисол учун, биоазот азотли ёки фосфорли ўғитлар ўрнида қўллаш учун таклиф этилган биологик воситадир. Биовоситамиз асосини тупроқда мавжуд бўлган тирик организмлар ташкил этади. Асосий хусусиятларидан бири – ҳаводаги азотни ўзлаштириб, ўсимликка озуқа сифатида етказиб бериш.

Саноатда минерал ўғитлар, азотли ўғитлар ҳаводаги азотни суюқлантириш ва кейинчалик азотни кетма-кет оксидлаш, кейинги кимёвий реакциялар орқали минерал ўғит ҳосил қилинади. Тирик организмларда ҳам моҳиятан шундай жараён.

## Органик маҳсулотга ўтиш даромадни оширади

Кимёвий ўғитлардан воз кечиб, фақат табиий йўл орқали ўсимлик дунёсини ривожлантириш мумкинми? Хоҳлаймизми-йўқми, бу тизимга ўтиш учун маълум бир вакт, кўнишка талаб этилади. Бунгача кимёвий йўлдан фойдаланиш

мумкин. Фақатгина анъанавий эмас, балки ноанъанавий усуllibарни қўллаш керак. Мисол учун, ўсимликни баргидан озиқлантириш мумкин. 200 кг. карбамидин тупроқдан бергандан кўра, 5 кг. карбамидин сувда эритиб, суспензия ҳолатида баргидан бериш мумкин. Мана шу усуllibарда ишлаб, секин-секин кимёвий усуllibардан воз кечишимиз керак.

Сабаби қишлоқ хўжалиги ривожланган мамлакатларда, хусусан, Нидерландия, Хитой, Япония каби давлатларда органик маҳсулотларга талаб жуда юкори ва бу анъанавий усулда олинган маҳсулотларга нисбатан бир неча баробар қиммат. Масалан, анъанавий усулда пахта толасидан тў-

қилган сочиқ 1 доллар бўлса, органик пахта толасидан тўқилган сочиқ 3 доллардан сотиласди. Демак, органик маҳсулотга ўтиш нафақат сарф-харажатни камайтириш, балки фойда-даромадни ҳам бир неча баробарга оширишга хизмат қилади.

## Инфраструктура бинолари бузилиб, ўрнига уйлар қуриляпти

Афсуски, ҳозирги шароитлар қишлоқ хўжалиги соҳасида самарали илмий тадқиқотлар олиб бориш имконини бермайди. Мисол учун, лабораторияларимиз моддий-техника базаси ҳалигача янгилангани йўқ. Тадқиқотларимизни чет элларга бориб қи-

либ келишга мажбур бўяляпмиз.

Ўзим 8 йил атрофида Хитой Фанлар академияси институтларида ишладим. Олимларимиз салоҳияти етарли. Четдан мутахассис олиб келгандан кўра, аввал ўзимизнинг олимларга имконият яратишими зарур. Лекин кўпчилик раҳбарларимиз ҳозирги сиёсатимизни тушунмаяптими ёки унга эътибор бермаяптими, уларнинг айрим хаттиҳаракатлари бизни ҳайрон қолдиради.

Мисол учун, мен фаолият юритаётган УзФА Генетика ва ўсимликлар экспериментал биологияси институтининг инфраструктураси ҳисобланган бинолар бузуб юборилиб, ўрнига уйлар қуриляпти. Биз тегишли ташкилотларга мурожаат қилдик, бироқ ҳеч қандай ўзгариш сезаётганимиз йўқ.

## Аллақачон эскирган усуllibар ҳали бизга кириб келгани йўқ

Қишлоқ хўжалигидаги Нидерландиянинг бир йиллик даромади 110

миллиард долларга чиқди. Ушбу мамлакатда деҳқончиликнинг ҳар бир муаммоси – молекуляр биологиядан бошлаб, ўғитлашгача бўлган жараён фундаментал ўрганилади.

Соҳадаги оқсаншизмизда қайситир жиҳатдан илмий-тадқиқот институтларимизнинг айби ҳам бор. Мавзуни тўғри танлай олмаслик, эски мавзуларга ўралашиб юриш. Биз ҳалиям эски методлардан фойдаланиб юрибмиз.

Дунё мамлакатлари аллақачон эски деб ҳисоблайдиган усуllibар ҳали қишлоқ хўжалигимизга кириб боргани йўқ. Эскича усуllibардан воз кеча олмаяпмиз. Агар шу усуllibарнинг ўзи кириб борса, қишлоқ хўжалиги даромад келтирувчи соҳага айланади. Мисол учун, ҳатто қўмдаям ҳосил олиш мумкин. Бироқ илмий ютуқларни жалб қилмасдан туриб, қишлоқ хўжалигимизда инқилоб ясашимиз қийин.

Бахтиёр РАСУЛОВ,  
биология фанлари доктори.



## РАИС СЎЗ СЎРАЙДИ

### ЭНГ КАТТА МУАММО – ИЧИМЛИК СУВ

**Маҳалламиз**  
худудида 7 та  
қишлоқ жой-  
лашган. Аҳоли,  
асосан, деҳқон-  
чилик ва чор-  
вачилик билан  
шуғулланади.  
Чўлли ҳудуд бўл-  
гани учун лалми  
экинлар экила-  
ди. Фермерлар,  
кластерлар ва  
курилиш билан  
шуғулланадиган-  
лар аҳолини мав-  
сумий иш билан  
таъминлашади.

Бундан ташқари, эркин иқтисодий зона бор. У ерда кичик ишлаб чиқариш корхоналари фаолият юритмоқда. Яқин кунларда текстиль ишлаб чиқариш корхонаси очилади. Хотин-қизлар ушу корхонада ишлаши учун ўқитиляпти.

**Муаммо бор.** Энг катта муммомиз – ичимлик сув. Аҳолининг 60 фоизида сув йўқ. Ҳар ҳафта машинада келиб сотиб кетишиди. 100 литр сувни 5 минг сўмдан оламиз. Сув келтириш учун лойиҳалар қилинган. Аммо ўтган йилдан бери ишлар тўхтаб турибди.

Маҳалламиз 1996 йилда ташкил топган бўлиб, ҳануздагча идорамиз йўқ. Трансформаторлар етишмайди. Кўчалари-миз жуда ёмон ҳолатда.

**Таклиф.** Ҳудудимиз жуда катта. У қишлоқдан бу қишлоққа бориб келишнинг ўзи бўлмайди. Шаҳар жой бўлса экан, такси қатнаб турари десак. Шу боис бундай ҳудуддаги раислар учун хизмат машиналари ажратилиса, ёмон бўлмасди.

**Ҳикмат ШОДИЕВ,**  
Пахтachi туманидаги «Фай» маҳалла фуқаролар йиғини раиси.

## МЕНДА САВОЛ БОР... «АЁЛИМ ҲОМИЛАДОР, АЖРАШСАМ БЎЛАДИМИ?»

**Севара ЗОКИРОВА,  
Давлат хизматлари агентлиги масъул ҳодими:**

— Йўқ, ажратмайди. Оила кодексининг 39-моддасига кўра, хотинининг ҳомиладорлик вақтида ва бола туғилганидан кейин бир йил мобайнида эр хотинининг розилигисиз никоҳдан ажратиш тўғрисида иш қўзғатишига ҳақли эмас. Эр хотинининг розилигисиз унинг ҳомиладорлиги вақтида ва бола туғилганидан сўнг бир йил мобайнида никоҳдан ажратиш тўғрисида иш қўзғатишига, гарчи у туғилиш тўғрисидаги ёзувлар дафтарида боланинг отаси сифатида ёзилмаган бўлса ҳам, ҳақли эмас.

Хотиннинг никоҳдан

ажратиш тўғрисида иш қўзғатишига розилиги бўлмаган ҳолларда, судья даъво аризасини қабул қилишни рад этади.

Шуни назарда тутиш лозимки, Оила кодексининг 39-моддасига кўрслатилган ҳолатлар мавжудлиги никоҳдан ажратиш тўғрисида ги даъво хотин томонидан қўзғатилишига тўқсинглик қилмайди. Демак, юкорида келтирилган асосларга кўра, хотиннинг ҳомиладорлик вақтида ва бола туғилганидан кейин бир йил мобайнида хотининг розилигисиз никоҳдан ажратиш тўғрисида ариза берган тақдирингизда аризангиз кўрмасдан қолдирилади.

# ФИРРОМ ЎЗБЕККА ЯРАШМАЙДИ

Ўтган ҳафтанинг мұхим, аммо күнгил-ни хира қиласынан бирине сифатида Ўзбекистон сушиш федерацияси бош котиби Алишер Фаниевнинг вақтингча ишдан четлашти-рилгани түғрисида хабарларнинг тар-қалганини көлтириб ўтиш мүмкін.

Қатор хорижий спортчи, ташки-лотлар томонидан ўзбекистонлик спортчиларнинг фирмом-лика айлангани «Токио-2020» Олимпиадаси бошланиши фонида содир бўлди. Алномиш авлодла-рига ярашмайдиган бу ҳолат кенг му-ҳокама қилингани, ҳатто чет элларда шов-шув бўлганига қарамай, расмийлар ҳали охирги нуқтани қўйгани йўқ.

## Ўзи нима бўлганди?

Келинг, бир бошидан бошлайлик. Воқеалар анча олдин, баҳор ойларида бошланган эди. 21 апрель куни хиндистонлик спортчи Ликит Селвараш Према «Youtube»да видео эълон қилди. Унда ўзбекистонлик спортчилар фирмомлик йўли билан Олимпиадага йўлланма олгани маълум қилинган. Преманинг фикрича, Туризм ва спорт вазиригининг тақвим режасидан урин олган, Халқаро сушиш федерацияси (FINA) шафелигида ўтказилган сушиш бўйича лицензион Ўзбекистон очик чемпионатида маҳаллий ташкилотчилар ўзбекистонлик спортчиларнинг натижаларини сунъий яхшилаб қўйиш орқали уларга йўлланманни тақдим этишган.

«Масалан, Алейсей Тарасенконинг 100 метрга эрkin усууда сушиш бўйича натижаси 48,55 сония деб кўрсатилди, бироқ унинг асл натижаси 51 сония эди», дейди Према ва бунга исбот сифатида видео ҳам кўрсатган.

Хиндистонлик спортчининг айтишича, натижалар, асосан, финал босқичи бўлмаган эрталабки баҳсларда ўзгартирилган. «Ваҳоланки, спортчи энг яхши кўрсаткичини финал баҳсларида қайд этади», деган хиндистонлик сузуви. Према ташкилотчиларнинг эътиборини тортиш учун ўзига хос собатаж ўюштиради. У 200 метрга брасс усулида сушиш баҳсларида стартга чиқмайди ва шу тариқа ташкилотчилар эътиборини тортишга уринади. Бироқ спортчининг айтишича, бу исён тескари эффект бериб, унга босим қилиш бошланади. Спортчига кўра, вазият шунчаликка борадики, ташкилотчилар Према стартга чиқмагани унинг яхши эшитмаслиги ва старт сигналини англамагани билан боғлиқлиги ҳақида тиббий маълумотнома олишга ҳаракат қилишади. Бу борада суриштирув ўтказиш бўйича сўровга жа-



вобан ташкилотчилар хиндистонлик спортчи қолганларнинг натижасига «қора ҳасад» қилияти, деб айтишиади.

Бу ҳолат бўйича ҳеч қандай аниқ маълумот мавжуд эмас, бироқ Ўзбекистон сушиш федерацияси Халқаро сушиш федерациясидан изоҳ сўрагани, Лозаннадаги спорт арбитраж суди эса Ўзбекистон томонининг арзини рад этгани аниқ. Преманинг арзидан кейин бошланган суриштирувдан кейин З нафар ўзбекистонлик спортчининг натижалари бекор қилинди.

## Олимпия қўмитаси нима дейди?

Миллий Олимпия қўмитаси тақдим қилган маълумотларга кўра, қўмита фаолияти давомида доимо олимпизмнинг эзгу фоялари ва спортдаги ҳалол рақобатни тарғиб қилиб келган. Ўзбекистон очик чемпионатида юз берган вазият катта

маълум қилинмаган. Шунингдек, бирор хорижий делегация томонидан, жумладан, Ҳиндистон жамоаси томонидан мазкур лицензион турнир бўйича шикоят тушмаган.

Ўзбекистон сушиш федерацияси бир неча бор FINAга тақдим этилган маълумотларга аниқлик киритиш учун хабар йўллаган ва ҳатто бу масала бўйича Спорт арбитраж судига (CAS) мурожаат қилган. Якунда эса ҳалқаро ташкилот йўлланган «Universal Place» асосида фақатгина 2 нафар ҳамортизим — Хуршидjon Турсынов ва Наталья Критинина Токио — 2020 ўйинларига йўлланма олишиди.

Нима бўлганда ҳам, минг афсуски, вужудга келган вазиятдан бизнинг спортчиларимиз катта зарар кўришиди. Улардан Олимпиададаги иштироки нақд бўлиб турган уч нафари орзусига эриша олмади. Йирик ҳалқаро мусобақага ҳам бугун старт берилмоқда. Энди кўп нарсага кеч бўлиб бўлди. Қолган иштирокчиларимизга омад, ўртга шода шода медаллар билан қайтишларини тилаб қоламиз.

**Шерали ҚИРҒИЗБОЕВ.**

## РАИС СЎЗ СЎРАЙДИ

### «ВАЪДАЛАР ШУ ВАҚТГАЧА БАЖАРИЛМАЙ КЕЛЯПТИ...»

Фарғона вилояти маҳаллаларида ичимлик суви муаммоси жуда кучли кўзга ташланмайди. Чунки водий ўзи серсув ҳудуд ҳисобланади. Мавжуд муаммолар ҳам, асосан, кичик ҳажмда кўзга кўринади.

Аммо бизнинг маҳалла мазкур масалада анчадан бўён қийналиб келади. Сув тақчиллиги боис ҳар бир хонадонда махсус ҳовузлар кавланган. Сувни сотиб олиб, шу ҳовузларда сақлаймиз. 7 тонналик машинадаги сув 70 минг сўм туради.

Мазкур масала билан аввалги раислар ҳам шуғулланишган. Масъуллар томонидан кўплаб марта ваъда-

лар берилган. Лекин масала шу пайтгача ҳал этилмай келяпти. Ҳозирда ер ости сувлари чиқарилган ҳудудлардан бизгача катта қувур тортиб келиш режалаштириляпти. Тегишли идораларнинг маълумотларига кўра, муаммо куз ойларига қадар ечим топиши керак. Аҳолимиз ана шундан умидвор бўлиб турибди.

Ичимлик сув билан бир қаторда суфориш

учун ҳам сув катта муаммога айланган. Илгари бизнинг худудлар Тоҷикистон давлати томонидан келадиган Ташламасойдан суфорилган. Ҳозирда бу сойдан деярли сув келмайди. Натижада дехқончиликнинг ҳам мазаси йўқ. Мехнат мигрантлари масаласидаги муаммоларимизнинг асоси ҳам шунга бориб тақалади. Ҳозирда 50 нафар фуқаромиз

Россия ва бошқа давлатларда ишламоқда. Шунга қарамай, аҳолини иш билан таъминлашда қатор ижобий ҳаракатлар амалга оширилмоқда. Ёнгинамиздаги Шўрсув посёлкаси саноат зонасига айлантирилмоқда. Ҳозирда бу ерда бешта цемент заводи, бошқа қурилиш ашёлари тайёрлайдиган цехлар ишга туширилган. Жорий йил германиялик

тадбиркорлар билан ҳамкорликда ДСП ва ДВП ишлаб чиқарадиган корхона очилиши кутилмоқда. Ўйлайманки, тез орада меҳнат миграцияси билан боғлиқ муаммоларимиз ҳал этилади.

**Аъзамжон Хўжаматов, Ўзбекистон туманидаги «Даханақақир» маҳалла фуқаролар ийғини раиси.**

# ГЕОЛОГИЯ МУЗЕЙИ ИМИ-ЖИМИДА СОТИБ ЮБОРИЛЯПТИМИ?

Бир ҳафтача аввал Тошкент шаҳри марказидаги Геология музейи биноси сотиш учун аукционга кўйилгани ҳақидаги хабарни ўқиб, таажужбландим.



Ажабланмай бўладими ахир, мазкур бино Вазирлар Маҳкамасининг 2014 йил 5 декабрдаги «Тарихий, бадиий ёки ўзга маданий қимматлилиги туфайли гаров ва ипотека қўлланилиши мумкин бўлмаган объектлар рўйхатини тасдиқлаш тўғриси-

да»ги қарорига кўра, кўчмас мулк обьектлари миллий рўйхатига киритилган давлат мулки ҳисобланади. Тўғри, Ҳукуматнинг 2019 йил 4 октябрданги «Моддий маданий мероснинг кўчмас мулк обьектлари миллий рўйхатини тасдиқлаш тўғрисида»ги қарорида Маданият вазирлиги бундай мулк обьектлари миллий рўйхатига ўзгариши ва қўшимчалар киритиш учун асосли зарурат пайдо бўлган тақдирда Вазирлар Маҳкамасига белgilangan тартибда тақлиф киритиб бориши белgilangan.

Лекин қани ўша

асосли тақлиф? Нега Маданият вазирлиги қурилганига салкам бир аср бўлган бинонинг аукционга кўйилишига изоҳ бериш ўrniga мум тишлаб ўтирибди? Бундай мавхумлик ҳар хил миш-мишлар, бўлар-бўлmas тахминлар урчишига йўл очмайдими? Масалан, бирор «Геология музейи ими-жимида сотиб юбориляпти» деса, бу гапга ким жўяли эътиroz билдира олади?

Геология соҳасига қизиқадиганлар, росмана геологлар, бу йўналишда таҳсил олаётганлар, умрини маъданшуносликка бағишлигар олимлар бор. Уларнинг хоҳишистаги, манфаати заррача қимматга эга эмас экан-да.

Музей экспонатлари, жиҳозлари қаерга кўчирилиши тўғрисида ҳам аниқ-равшан маълумот йўқ.

Президентимиз саъй-ҳаракатлари



Нодир АБДУВАЛИЕВ,  
Олий Мажлис Қонунчилик палатаси  
депутати.

билиан барча соҳалар, жараёнларга татбиқ қилинаётган ошкоралик, шаффоффлик баъзи ташкилотларга тегиши эмас, шекилли.

Норасмий гап-сўзларга қараганда, тилга олинган иншоот бузилиб, ўrniga бошқа бино тикланар экан. Бу эса қонунчиликка ҳам зид. Моддий маданий мерос обьектларини муҳофаза қилиш ва улардан фойдаланиш қоидаларини бузиш ҳамда давлат муҳофазасига олинган обьектларни нобуд қилиш, бузиш ёки уларга шикаст етказиш бўйича жавобгарлик белгиланган. Бинобарин, Маданий мерос департamenti судга мурожаат қи-

лишга ҳақли. Аммо бу ташкилотдан ҳам садо чиқмаяпти.

**Ёки маъсууллар тарихий обьект, маданий мерос деганда, фақат Самарқанд, Бухоро, Хивада жойлашган обидаларни тушунишадими?**

Хеч ким ўзгаришларга, янгиликка қарши эмас. Бироқ талай юртдошларимиз учун қадрли, маданий, тарихий қимматга эга машҳур бинони бузиш ёки сотишдан олдин бунинг сабаблари атрофлича байн қилинса, унинг тақдирини ҳал қилиш масаласи кенг жамоатчилик муҳокамасига кўйилса, мақсадга мувофиқ бўларди.



## РАИС СЎЗ СЎРАЙДИ

### «2018 ЙИЛГИ ВАЗИФА ҲАМОН БАЖАРИЛГАНИ ЙЎҚ»

Маҳалламида беш минг нафардан ортиқ аҳоли истиқомат қиласди. Одамларимизнинг асосий даромади чорвачилик ва трикотаж маҳсулотлари тикишдан шаклланади.

Бизда 15 дан ортиқ оиласвий тиқувчилик цехлари бор. Уларда замонавий футболкалар, спорт кийимлари, чойшаблар, ёстиклар келинлар сепи учун бошқа буюмлар тикилмоқда. Шу боис меҳнат миграцияси билан боғлиқ муаммоларимиз йўқ.

Аммо оиласвий ажралишлар масаласида кейинги пайтларда кўнгилсизликлар кузатиляпти. Жумладан, жорий йил учта оила ажралиб кетди. Иккита ҳолат фарзандсизлик билан боғлиқ. Биттасида эса ёшлар бирбирини ёқтиришмади. Қанча ҳаракат қилмайлик, оиласи

сақлаб қолишнинг имкони бўлмади. Фикримча, ажралишларнинг кўпайишига телевидение, интернет тармоқлари орқали енгил ҳаётнинг кўптарғиб этилаётгани сабаб бўляпти. Ёшлар кино, сериални кўриб, ҳаётни шундан иборат, деган янгиш хуласага боришаётпти. Турмуш, оиласдан ўша экранда кўрганларини кутяпти. Ҳақиқий дунё, меҳнат, муаммолар билан дуч келганида эса эсанкириб, бунга чидаш, курашишга ҳаракат қилмаяпти.

Муаммолари-миздан асосийси — ички йўлларнинг

асфальт қилинмагани билан боғлиқ. 2018 йилда дастурга киритилиб, асфальтлаширилиши лозим бўлган 13 километр йўл ҳамон битказилгани йўқ. Белгиланганидан фақат 3,5 километригина битказилди. Бир неча бор тегишли ташкилотларга муружаат қилганимиз. Уйлаймизки, жорий йил бу муаммо ҳал этилади.

Рўзимуҳаммад ЭГАМБЕРДИЕВ,  
Учқўприк туманидаги «Пучуғой»  
маҳалла фуқаролар йиғини раиси.

## БИЛАСИЗМИ

### Реестрга киритилганларга қандай имтиёз бор?

«Ижтимоий ҳимоя ягона реестри» орқали кам таъминланган сифатида рўйхатга олинган оиласларга бепул ёки имтиёзли шартларда қуидаги ижтимоий хизматлар ва ёрдамлар кўрсатилади:

- ◆ давлат мактабгача таълим муассасаларида ота-оналар тўловидан озод этиш;
- ◆ мактабгача таълим муассасаларида ўрнатилган миқдорларда ота-оналар тўловини тўлаш;
- ◆ мактабларда дарслеклар ижара тўловидан озод этиш;
- ◆ мактаблар ўқувчилари учун қиши кийим-бош бериш;
- ◆ айрим фанларни ўқитишга ихтисослаштирилган умумий ўрта мактаблар ўқувчиларини овқатланиш харажатларидан озод этиш;
- ◆ санъат мактаблари, мусиқа мактаблари, «Баркамол авлод» марказлари ва бошқа мактабдан ташқари таълим муассасаларида ўқиш харажатларидан озод этиш;
- ◆ кам таъминланган оиласларнинг ногирон аъзоларини протез – ортопедия буюмлари билан таъминлаш;
- ◆ ихтисослаштирилган тиббиёт муассасаларида бепул маҳсус (амбулатор ёки кундузги) тиббий ёрдам кўрсатиш бўйича йўлланма (ордер) олиш.

ХУРМАТЛИ ЮРТДОШЛАР, АЗИЗ МАҲАЛЛАДОШЛАР!

**«ЮТУҚЛИ ГАЗЕТА» АКЦИЯСИДА ИШТИРОК ЭТИНГ ВА АВТОМОБИЛЬ ЮТИБ ОЛИНГ!****Mahalla**

ГАЗЕТАСИГА 2022 ЙИЛ УЧУН ЙИЛЛИК ОБУНА БҮЛИБ, СИЗ АКЦИЯ ИШТИРОКЧИСИГА АЙЛАНАСИЗ.

**ҲАР БИР ЮТУҚЛИ ҮЙИНДА****5** та рангли телевизор;**5** та кир ювиш машинаси**1** та «Nexia 3» АВТОМОБИЛИ**5** та замонавий музлатгич;**5** та замонавий ноутбук;**КАБИ СОВФАЛАРДАН БИРИНИ ЮТИБ ОЛИШ ИМКОНИГА ЭГА БÜЛАСИЗ****АКЦИЯДА ИШТИРОК ЭТИШ ШАРТЛАРИ ЖУДА ОДДИЙ**

Сиз худудингиздаги **БАНК ФИЛИАЛЛАРИДА** ёхуд **ИСТАЛГАН МАНЗИЛДАГИ** «Paynet» шоҳобчаси ва «Click», «Payme» тўлов тизимлари орқали газетамизга **БИР ЙИЛЛИК** обунани амалга оширасиз. Бунда тўлов варақасида туман ёки шаҳрингиз, маҳаллангиз номи ва исм-фамилиянгиз ҳамда телефон рақамингиз **ТЎҒРИ ВА ТЎЛИҚ** кўрсатилиши шарт. Тўлов варақасидаги маълумотларингиз таҳририят томонидан алоҳида **ТАРТИБ РАҚАМИ** билан белгиланади ва мазкур рақамли маълумотлар «Mahalla» газетасида эълон қилиб борилади.

Берилган маҳсус рақам орқали Сиз ютуқли тиражимизда иштирок этиш ҳуқуқига эга бўласиз.

**ШОШИЛИНГ!**

**ЙИЛ ОХИРИГАЧА ЖАМИ 6 МАРТА**  
**ЎТКАЗИЛАДИГАН ЮТУҚЛИ**  
**ТИРАЖИМIZНИНГ БАРЧАСИНИ СИЗ ҲАР**  
**ОЙНИНГ СҮНГИ ЯКШАНБА КУНИ СОАТ**  
**17:00 ДА «МАHALLA» ТЕЛЕКАНАЛИНИНГ**  
**«ЮТУҚЛИ ГАЗЕТА» КЎРСАТУВИ ЖОНЛИ**  
**ЭФИРИДА КУЗАТИБ БОРАСИЗ.**

**МУРОЖААТ УЧУН  
ТЕЛЕФОНЛАР:**(71) 233-10-92  
(71) 233-39-89  
(97) 146-02-07

Батафсил маълумот: [https://t.me/Xolis\\_nazar](https://t.me/Xolis_nazar)  
<https://www.facebook.com/Xolis-Nazar>  
[https://www.instagram.com/xolis\\_nazaruz](https://www.instagram.com/xolis_nazaruz)

**УНУТМАНГ, АКЦИЯДА ИШТИРОК ЭТИБ, СИЗ ҲЕЧ НАРСА ЮТҚАЗМАЙСИЗ —  
 «МАHALLA» ГАЗЕТАСИ ЙИЛ ДАВОМИДА 52 МАРОТАБА ХОНАДОНИНГИЗ МЕҲМОНИГА АЙЛАНАДИ!!!**

**Mahalla**Ижтимоий-сийесий,  
маънавий-маърифий газетаси**МУАССИС:**«Mahalla» nashriyot-matbaa uyj  
масъулияти чекланган жамияти

Ўзбекистон  
Республикаси  
Президенти  
Администрацияси  
хузуридаги Ахборот  
ва оммавий  
коммуникациялар  
агентлиги томонидан  
2019 йил 24 сентябрда  
0019 рақами билан  
давлат рўйхатидан  
ўтказилган.

Бош муҳаррир  
**Бахтиёр АБДУСАТТОРОВ**  
«Mahalla» газетаси муҳаррири  
**Санжар ИСМАТОВ**  
«Mahalla ko’zgusi» журнали муҳаррири  
**Рустам ЮСУПОВ**  
Сахифаловчи:  
**Илҳом БОЛТАЕВ**

Таҳририят манзили:  
Тошкент шаҳри, Мустақиллик  
шоҳкӯчаси, 59-й. Индекс: 100192  
Телефонлар:  
Қабулхона: 71 233-39-89,  
Котибият: 71 237-56-80,  
Факс: 71 233-10-73.  
Баҳоси келишилган нархда.

Газета  
таҳририят  
компьютер  
марказида  
саҳифаланди ва  
офсет усулида  
босилди.  
Нашр кўрсаткичи: 148

«Шарқ» нашриёт-матбаа акциядорлик компанияси босмахонасида чоп этилди. Босмахона манзили: Тошкент шаҳри, Буюк Турон кӯчаси, 41-й. Формати — А-3, 6 босма табоб. 7780 нусхада чоп этилди. Буюртма Г-718  
123456